

松壽堂詩鈔

卷七至八

一

二

三

四

五

六

七

八

九

十

十一

十二



松壽堂詩鈔卷七

貴陽陳夔龍筱石

鶴樓集

起戊申四月  
迄己酉十月

寄和亭秋

一紙新詩附鯉函  
高風林下信非凡  
遙憐翠裊吟修竹  
閒著青鞵伴野杉  
楊柳湖隄牽別緒  
梅花江渚望征帆  
南樓待舉鴻眉案  
德曜賢名衆口咸

遣僕如杭以詩悼昌紋

八歲傳詩侍雪廬  
鬢髮短髮未全除  
荒殘紫石空餘恨  
寂寞元亭歎索居  
梁縱雙棲懷乳燕  
江難再決泣枯魚

藥鑪大錯從何說悔不精研素問書

少石兄移臬南昌計日入覲作此贈行

廿年江漢召棠甘花外驪歌柳外驂星近薇垣辰拱北

入覲北行雲移極浦棟飛南枌榆拜命恩尤渥風雨懷人

我未堪莫忘彭城坡穎約黔靈深處結茅庵

讀范肯堂詩集題後

一生心力瘁於詩如此才華可惜之高會南皮曾作客

君久客北洋幕府終身北面愧稱師余抗疏薦君經濟特科君來函有終身北面於舉主

之語茂陵風雨相如病楚澤蘭荃宋玉悲讀竟遺篇三太

息焚香深悔薦賢遲

祀先樓詠翠蜨有懷紋女

羅浮仙侶是耶非寸草三春欲報暉瓊苑牡丹曾入夢

昨夢中傳  
賞牡丹

畫堂翠蜨又言歸吳山楚水重重認葉底花

間欸欸飛老淚龍鍾迷五色萊斑疑著舊時衣

五月二日游小平泉登觀音閣晚眺

建牙仍作客挂笏強登樓形勢雄三楚功名愧八州鶴

飛仙笛杳江晚估帆收遙望漢陽樹濃陰夏似秋

天中聯句有懷昌紋

鄂渚新移節

亭秋

端陽荷

聖慈

客臘

幅福壽字

今由蜀寄

直

到桂樓堪遠望

筱石

蒲筍喜同持江迴輕雲淡

亭秋

天

高落照遲鶴歸聞玉笛

筱石

蜨舞戀花枝

日來翠蜨十餘飛繞桂樓

前猶憶牽牛夜

亭秋

兒生時每逢七夕必約閨中女伴羅瓜果於庭乞巧

難忘繡

虎時

乙巳端午病中猶強起作艾虎

中流空繫纜

筱石

大局慨彈棋

病中

談及時事輒鬱鬱不樂

秋稻生前詠

亭秋

春萱夢裏思多情青鳥

信

筱石

雅韻綵鸞詞看鏡吾將老

亭秋

焚香汝定知日

長無可遣

筱石

聊作憶兒詩

亭秋

端午後三日夜坐聯句

共坐蘭階納晚涼

亭秋

一鉤新月上危牆

筱石

微雲點

綴星光淡

亭秋

譙鼓清嚴漏點長

筱石

盆有疏枝花隱

約

亭秋

甌斟佳茗露芬芳

筱石

燈前回憶含真蹟

亭秋



蜨綵踟躕繞膝忙

筱石

越日復納晚涼憶女聯句適接電  
旨徵醫

寂寞書窗鶴燄紅飄殘柳絮謝庭空輕羅撲撲蜨風盈

老樹驚鴉月挂弓

筱石

三載愛根仍切切一場春夢太

忽忽兒時生性原忠鯁願乞靈漿衛  
聖躬

亭秋

六月一日亭秋生辰小詩奉贈兼敘離懷時由浙

來鄂僅月餘也

半載金閨別重來話楚天相逢非舊地偕老尙中年仙

鶴于飛曲侯鯖介壽筵瓊樓雙桂樹香在未秋前

銅駝思往事艱苦仗君知鹿醒隍中夢鴻舒案下眉淮

園朝染翰茂苑夜催詩偶向庭前立飄零柳絮詞  
憶攬西湖勝清秋發湧金船從仙樂艤僧向淨慈尋花  
港觀魚戲孤山訪鶴禽舊痕襟共認情比酒還深  
綠野心同寄紅閨德可馨綵衣來楚舞瑤瑟奏湘靈瑞  
叶雙花蕙祥生一葉萸祝釐嬌女意說與右台聽

夏夜得句

小樓聽雨夏如春永漏疏燈夜嚮晨戒旦夢猶依斗極  
洗兵天已落鉤陳捲心蕉葉傳清籟生日荷花拜後塵  
料得明朝張廣樂海東紅旭照三神

鎮欲尋僧學打包戟門官鼓已慵敲回文錦字君蘇蕙

苦語蛩吟我孟郊  
蘭室總饒香氣靜  
絮庭無奈柳花拋  
雕闌並坐看雲起  
蠅板依稀挂樹梢

詠八瓣蘭與亭秋分韻作

雙花八瓣啟靈芬  
叉手庭前卻爲君  
紉作顧廚名士佩  
清如唐宋大家文  
循陔樂譜羣音協  
空谷香生幾陣聞  
欣共衆仙吟九畹  
上弦初月露光分

和亭秋韻

葳蕤三五鬪清新  
喜溢蕘階衆妙臻  
襖帖紛披書永字  
夢徵休吉證前身  
香分梧井馨聞遠  
日照花輒熨貼勻  
不是八公閒草木  
楚江蘅芷共精神



亭秋以畫扇見贈

活色生香補化工  
花光四照豁雙瞳  
裁成紈扇團團月  
引入薰琴面面風  
錦字回環纖手製  
墨痕深淺畫眉同  
蘭因縱有三生約  
柳絮飄零感謝公

六月廿二日龍華寺諷經有感

不見雕梁乳燕飛  
一年一度惜芳菲  
我經瘴雨蠻煙劫  
客冬回里行役甚苦  
爾未黃河黑水歸  
病裏形容猶彷彿  
夢中樓

閣總依稀龍華薦  
福滋吾痛回首三  
台冷翠微

亦識人天隔渺茫  
苦將衰淚累爺娘  
殘脂賸粉愁明鏡

每晨鏡奩梳具如常陳列

斷髮零牙付寶箱

女在時曾與短髮一握交亭秋並以亭秋遺牙

藏於箱匣  
視之黷然指掌旋螺曾我似埋頭作馬爲誰忙欲將消

息詢青鳥祇恐蓬山路太長

已分尋春到錦官還家滋味雜辛酸幽棲南嶽逢僧易

惜別西湖上塚難持節又移陶侃鎮歸裝祇少木蘭鞍

江城依舊人如鶴獨伴梅花五月寒

牽衣元夜上吹臺甲辰春初曾攜  
女上禹王臺豈料罡風拂面來七

日戀親聊自遣三年別爾未忘哀中表姜君素習天文  
函云女沒後戀親七

日尙未返位余適有夢徵事詳  
哀詩五十首中今忽忽已三年琉璃繪影神惟肖余在  
桂樓

攝影於窗榻中忽  
覩女像極其神似格子簪花手自裁女手書小  
楷尙存誰似湘

蘭生意滿晚香八瓣一枝開院中盆蘭盛開有八瓣  
雙心者曾有詩記之

拚將心迹託巢由處處煙波處處愁東閣看梅成記憶  
南樓翫月此句留途中健僕雙龍劍天外閒身一葉舟  
獨有愛情拋未得割慈悔作汴京遊

乞巧日借胡宗武觀察琴初編修游署中小平泉  
時嫩涼甫生新月初上尙未立秋作此遣興兼示

兩君

舊夢東湖廿載前乙酉在川隨侍丁文誠公閣武道出  
新繁駐東湖半日湖乃李文饒舊居

此間亦是小平泉李勤恪題園  
額曰小平泉客中竹箭星聯坐江上

蒲帆水接天蕉牖好編坡頴集君兄弟  
能詩桂堂難問阮林

年堂桂不知係前賢阮文達林文忠諸  
君何人手植事見張抱冰廳額記微雲點綴秋河

漢涼在金梧一葉先

時未立秋

和宗武觀察見贈之作

一別鄒枚去汴州又看江月上南樓欣逢東井五星聚

兼謂吳方臣周世臣王南軒三觀察琴初太史暫作平原十日留錦字續成閨

裏詠君蒞仕入川便道就姻笛聲銷盡客中愁短衣匹馬蠶叢路

霜老梧桐幕府秋

示宗武疊乞巧日遣興韻

卷幔臙脂落几前出山猶是在山泉榻懸仲舉留徐穉

詩寄微之和樂天曾賦場苗消永夕偶攀官柳憶當年

鑪邊此去勞籌筆記取輸贏一著先



秋夜不寐遣興再疊前韻

細檢明前又雨前茶甌新試掇刀泉

江夏尹新惠掇刀泉水

半灣

漲綠虹垂地一色拖藍雁到天已送少陵客嚴武相逢

崔九說龜年乍涼風味難通枕坐聽雞聲恐祖先

酬易實甫觀察同年三疊前韻

莫嗟蠖坐命宮前喜見東坡繼老泉

君先德笏山丈文章經濟冠絕一時

君能繼之

入夢三刀偏得謗登聞一鼓竟通天南陽我畫宗

資諾洛下人思賈誼年便腹何傷名士餅心花發在筆

花先

喜晴憶女

吹斷連朝雨天公喜弄晴一誠徵感格四野慶清平雲  
靄輝金闕霞標滿赤城神仙本忠孝早晚掃欃槍

七月十九夜苦熱夢女歸來衣裝作男子式入坐  
片時未及問訊悠然而去紀之以詩四疊前韻

內家裝束異生前贏得龍鍾淚湧泉鶴化已疑身外世

鸞迴難問夢中天雙藤夜月憐三影往在清淮節署每當春夜嘗偕亭秋

率女於贍園雙藤書屋賞月比時已惜人少今女又仙去情景更不堪矣十桂秋風又一年

署中十桂親舍白雲知悵望忍教成佛在人先

輓劉漱雲參軍

一病已如此蒼蒼殊忌才衙官憐屈宋門館失鄒枚春

雨黔靈寺 春間共遊黔靈山寺 秋風楚望臺文人竟無命椒奠有

餘哀

雪柳勞行役敲詩漏夜勤窮如黃貳尹狂比杜司勳一

卷蠻花集 君入黔得詩甚富 千秋馬鬣墳玉樓君遽召天上正

修文

秋後盆蘭復開作此美之仍用前韻

瀟湘世澤挹清芬還把蘭因說與君夜雨燕姬尋舊夢

好風蘇蕙寄回文清言再接同心契香澤重親竟體聞

修禊亭中添故事葳蕤春意許平分

轉綠回黃色象新心香一瓣百靈臻惜偕沅芷升庭晚



喜共商芝入室親披拂頭番風信轉相思後夜露光勻  
雙鉤又試紅閨筆寫上冰紈若有神

吳仲懌侍郎開府中州以詩寄賀

黃閣 綸音紫電傳歡聲馳播兩河前新猷梁苑重來  
地舊夢金臺話別天 心簡早承宣室問口碑先向鯉  
庭鐫客程詩語堪追憶第一功名治洛年

子原太守由贛來鄂示詩四章依韻答和

昨宵燈穗燦瑤窗尺幅蒲帆達楚江秋水色明天混一  
大雷人到雁成雙未妨桂嶺吟招隱已見詩城築受降  
情話更闌還秉燭坐聽鄰寺晚鐘撞

何處終南捷徑佳  
冰心一片任安排  
浮雲世變慵揩眼  
垂露書工喻折釵  
棋局好從兒輩賭  
醉鄉翻笑世人皆  
行囊檢點無多物  
綠葉成陰慰老懷

才似韓潮語孟郊  
鏤冰爲句漫吟敲  
蒹蘆秋好初縈夢  
梧鳳枝高又換巢  
作客曲憐商婦怨  
採風茅問楚人包

闔門棠蔭白門柳  
已有鞭絲繫樹梢

君適有甯蘇之行

得見廬山吏不凡  
休因卑溼泣青衫  
尊前蠻女工歌舞  
膝下獅兒謝勒銜  
今夜樓中聞短笛  
有人江上望征帆  
何當共載餘杭酒  
踏月鐫詩赤壁嵌

八月二十一日爲先妣姜太夫人八旬冥壽龍

華寺誦經賦此誌痛

壽母筵開廣佛場朝衫猶著舞衣涼林間返哺烏嗥月  
夢裏思親雁叫霜飴弄定知嬌女侍羹遺不共小人嘗  
哦詩早廢南陔什獨聽齋魚當奉觴

南湖閱武禮成示鄂軍諸將士用前韻

已拚一醉卧沙場秋獮南湖戰壘涼敵愾心馳蘇武月  
談兵鬢染晉公霜鞞刀莫負男兒志薪膽須先士卒嘗  
直抵黃龍君記取凱歸好進萬年觴

平臺晚酌與亭秋聯句

形勝規全楚

筱石

秋江晚眺天笛聲飛檻外

亭秋

帆影

落尊前丹桂香聞遠 筱石 紅薇色鬪妍平臺暮雲起 亭

秋乘興一流連 筱石

寄宗武觀察蜀中五疊前韻

大小金川拜馬前廣庭軍幕仗蘭泉織縑比素房中曲

先有成 落日嘶風徼外天錦里浣花吟甫什漢南種柳

感温年籌邊儻報西戎敘露布神馳下筆先

重陽蝶桂樓登高作

秋老江城鶴到遲重陽高會客心馳不將風雨酬佳節

徧插茱萸憶昔時對酒怕看人賦別蠲租惟遣吏催詩

蜨樓縱有登臨興寄語含真恐未知



展重陽日獨遊吳文節公祠遂登西樓遣興六疊  
前韻  
隔岸晴川落檻前過江風勁挾飛泉東南半壁臨無地  
西北高樓等上天老健喜逢吹帽節孤忠難問化沙年  
讀公遺疏瞻遺像功在曾胡破敵先

題實甫張子晉後身圖卷

仲則能吟供奉句韋郎曾後武侯身春人無限芬芳意  
四百年來話夙因

入聽焦桐爨後材拏舟曾訪虎邱梅今生遇合前生證  
莫道天公但忌才

十月二日爲蓮漪夫人設祭一別已廿三年矣

猿嘯驚巫峽鶴飛鳴楚天空羸十萬俸永訣廿三年憶  
返竹王國會陪阿母筵桂樓今日酒遙奠右台阡

喜實甫開復原官卽步其感恩詩韻

前席傳宣去國臣 九重恩澤 帝如春光增王儉蓮  
花色謗釋文淵蕙苾仁已有口碑留桂管惟將血淚答  
君親神鷹養就霜天翼一霎凌風便出塵

詠並頭菊

同夢東籬逸興賒晚香堂上鬪秋華情芳未許孤根託  
容淡難教半面遮對飲重陽彭澤酒兩開他日杜陵花

梅魁合讓君雙占先後休爭玉筍芽

孝欽顯皇后輓詞

寰海歌功德敷天荷 聖慈早朝三殿罷晏駕六宮悲

色黯媧皇石靈翻王母旗中興望常武江漢發哀思

手握三朝璽憂勤閱旰宵法行中使近禮折外家驕壺

內師黃老朝端媿舜堯無慚 先帝託風雨 定陵飄

遺誥丁甯語殷殷相小民祈甘同翦爪納諫恕批鱗紹

述期 沖主艱難念老身最欽柔遠畧天地一家春

噉雁心猶軫眠蠶手罷縑裸將朝玉馬望幸泣金鰲

仁壽鐘聲寂 慈甯月影高外臣慚報稱淚點溼青袍



德宗景皇帝輓詞

九葉宏圖啟三雍至道凝沖齡承大統盛德啟中興彤  
日高宗廟秋風大禹陵鼎湖弓劍杳哀痛徧林烝  
不息天行健黃中協泰交幾康一二日惕厲九三爻新  
造周邦命誠通漢代郊鞠躬諸島使縮酒獻包茅

鹿宴承恩早 龍飛第一年採風慚守土踏月夢朝天  
望斷周王馬啼殘蜀帝鵑德崇功未竟紹聖 嗣皇賢  
罪己言猶在銜哀詔又新艱難思 令主慙直鑒孤臣  
牆笛淒涼曲宮花慘淡春惟傾江海淚紅溼六街塵

十一月二十九日紋女二十生辰化去忽已三年

矣女降生於至日今歲又逢長至倍觸余懷發之

以詩

一綫重添設幌時如何續命竟無絲香花繞座疑成佛

湯餅開筵憶洗兒入夢庭前斑綵冷

秋間夢女著男子裝拾級升階饒有

端重

迎歸江上錦帆遲韶華二十須臾耳何況三年賦

別離

平生愛好母家親遠道營齋問訊頻已仗鑪灰銷浩劫

難從輪藏證前身登盤橘柚誠通款繞墓梅花早報春

贏得阿娘雙淚眼龍華寺裏哭生辰

嘉平六日登風度樓訪黃鶴遺址感賦

層樓依舊矗三台莽莽黃雲楚望開  
凭檻俯驚帆影落  
隔江遙送市聲來  
夕陽紅照千椽瓦  
晚歲寒飛六琯灰  
風景無殊愁舉目  
未應訪鶴更尋梅

謁彭剛直公祠

十幅蒲帆楚望開  
書生原是濟川才  
芒屨萬里同仇義  
鐵鎖千尋浩劫灰  
黛色森森忠武柏  
素心落落廣平梅  
客船夜半鐘聲寂  
誰識當年鼓角哀

謁楊勇愨公祠

烽火連江望楚師  
如公文武信兼資  
功成羽箭開生面  
官罷煙蓑蘆夢思  
風利定飛王濬艦  
日斜猶照曲孺旗

彭祠並峙皆千古想見同舟破敵時

病愈憶女

正擬看山到右台聖湖春水鏡奩開三年別汝愁中住  
一夜思親夢裏來老病漸傷遲暮景心情惟剩篆香灰  
平安驛使慇懃意爲報江南有早梅

卽事

浮雲何處是三台豁盡塵蒙倦眼開鵬鳥賦成空涕淚  
子規聲疾盍歸來封章北闕驚傳草絮語東窗笑撥灰  
聞道長安幾棋局調和不僅在鹽梅

木棉庵



小朝廷已同危卵多寶閣猶聚列星南渡衣冠公掃盡  
西湖燈火我曾經平章奏進皆關白檣杙書成愧殺青  
聽罷杭州歌一曲不堪秋夜冷銀屏

墨經倉黃勉誓師江山半壁付庸兒軍中死氣蟲沙化  
堂上閒情蟋蟀知冬樹已寒荒塚骨秋柑猶颺貢船旗  
兩般忠孝君無分慚對吳潛寺壁詩

譙東精舍

橫梁曾將漢鼎傾掩關舊是一經生英雄未遇風流在  
亂世相需月旦評疑案千年猶有塚繞枝三帟豈無情  
蒼生已被斯人誤再出山泉便不清

夕陽亭

拚將清白付兒曹  
慷慨批鱗手獨搔  
祇爲聖朝嚴婦寺  
豈期中祀錫牲牢  
飛來大鳥沈冤雪  
辭卻黃金夜氣豪  
無限夕陽荒草路  
一亭應共華峯高

鈐山堂

一著香冠四十年  
故鄉猿鶴也嫣然  
流傳世廟青詞體  
成就椒山浩氣篇  
門輦難容兒策蹇  
巷居猶報相高眠  
鈐山依舊書聲寂  
頭白歸來祇自憐

木末亭

雨花憑弔我何堪  
臣罪當誅主德慚  
登極詔成驚海內

讀書種斷惜江南生前戚族冤沈十地下齊黃友共三  
回望孝陵天咫尺青山一髮暮煙含

風波亭

牘背書成意未堪如公忠孝兩無慚檜陰蔽日心輸北  
柏樹經霜指向南渡馬王愁城借一騎驢客歎獄成三  
莫言江上風波惡涅字當年血淚含

除夕書懷

臘尊一醉一陶然永夜燈花喜鬪妍束筍官書高閣裏  
折梅春信綺窗前不緣異地心情減已愧先朝禮數偏  
雪後謝庭詩事寂因風誰詠柳芊緜



己酉元旦口號

春到梅花玉笛傳放衙新罷早朝篇

現因國制例不朝賀

漸多白

髮愁看鏡欲買青山未辦錢  
初日晴融千嶂雪東風綠  
上萬家煙歲時荆楚今無記  
獨薦辛盤慶有年

遊小平泉登南樓

平泉草木尙依然春意遲遲冷倍妍  
豐歲兆將殘雪裏夕陽斜到小樓前  
重來舊雨孤帆遠一樣東風御柳偏  
到此更窮千里目詩情江上寄纏綿

正月三日有雪憶昌紋

客到春城意惘然好花無復鬪芳妍  
幾經擲汝兵戈裏

猶記呼爺病榻前大夢亦知塵世幻長離終覺愛情偏  
謝家庭畔今年雪誰見因風柳脫絛

人日送楊逸真觀察入京

蘭堂新續草堂篇春冷江城雪後天我愧文通難賦別  
人言景倩已登仙輒紅滾滾紛棋局凝碧萋萋罷管絃  
獨立斗南無箇事因風棖觸五雲邊

謁官文恭公胡文忠公祠遂登風度樓遠眺

千秋雙廟尙巋然春到江樓景物妍兩岸潮生復潮落  
萬家山後隔山前晴迷芳草連天遠煖入梅花得地偏  
最喜傾城諸士女瓣香如奉介推縣

送鄧花溪觀察之官成都

纔向承明謁  
帝回扁舟重艤楚江隈  
毛生色喜緣將  
母蘇子名高未易才  
傳信已知梅萼早到官不爲荔枝  
來雪天一色蒼茫裏且醉筵前濁酒杯

和實甫韻

蕙苾冤消感跼  
薦檳榔花發爲君妍  
欣逢御展延英  
日莫問爛滄過渡年  
磨蠍才憐蘇軾老聞雞聲讓祖生  
先江山合仗詞人筆  
一路題詩補漏天

余久患舌疾亭秋以臘雪煎茶飲之即愈作此賦

謝

蘇季舌猶在文園渴已蠲攜來北海雪清過惠山泉當  
酒消寒夜尋梅感舊年與君計歸隱先辦採茶錢

迎春日出東郊遂至洪山

小隊晴郊踏軟泥萋萋芳草午煙迷遙天一綫江如帶  
絕磴干盤徑似梯客裏春光楊柳洩眼前生意菜花齊  
斜陽紅到青旂影獨上浮圖訪舊題

謁洪山羅忠節公祠

鐵戟沈銷俎豆新如公正氣百年伸誓師湘鄂三千里  
轉戰生徒數十人莫道攻堅成下策載瞻遺像識宗臣  
洪山無恙羅山死立馬碑亭淚滿巾



上元前一日立春偕幕府諸君遊漢陽晴川閣遣

興四首

勝日尋春到漢南晴川雲樹野煙含隔江喚起樓頭鶴

有客來停閣下驂飛舄昔年思種柳少石兄曾作令漢上上燈今

夜罷傳柑國恤無燈事才人幾輩工鸚鵡芳草萋萋已不堪

樓色平分庾亮南江天一覽鏡光含客卿入坐花間幕

太守班春柳外驂畫鷁乘風飛素練聽鷗攜酒佐黃柑

琴臺咫尺雲封鎖古調今彈恐未堪日晚未至琴臺

楚江風景似江南旖旎春光萬物含極浦燈疏疑蟹火

片帆雲擁當鸞盤供鹽豉兼供韭刀破霜鱗又破柑

學佛學仙兩無分一尊相對有誰堪

嘹天一雁欲征南綠水春波意半含已灑新亭名士淚  
難忘舊驛館人驂旗槍小試君眉茗瓶鉢惟宜佛手柑  
卻憶去年燈市好故園西望我何堪

元夕感事

逃聽鶻聲地氣南天心物理盡包含中朝幸不成孤注  
逆旅伊誰脫左驂原廟已栽新甫柏貢船先罷洞庭柑  
買燈如問今年事作宦金吾我未堪

閱青山長隄道中遣興

行盡大隄三十里內湖新漲接江流鞭絲淡掃山頭霧

檣影輕浮水面漚落日屯營談射虎東風綺陌笑騎牛  
天涯綠徧王孫草已覺初春似早秋

弔唐鄂生中丞丈

髯號難抱鼎湖弓回首鄉關淚眼中元日詩篇除日計

岷江膏雨怒江風上游我已慚威惠

公贈別詩有天下安危寄上游看君

威惠與江流之句

大節公無忝孝忠後夜文誠祠畔路不堪雪

爪認泥鴻

客歲旋里元日與公相晤於丁文誠公祠

春晴猶寒約內子遊抱冰堂有懷紋女

料峭春風二月寒江城作客思無端頭銜漫詡追羊杜  
眉案猶堪舉曜鸞好鳥雙聲簾外語幽蘭一賦壁中看



壁間懸山谷書唐人幽蘭賦  
墨拓十幅與亭秋煮茗讀之  
五年舊恨重棖觸不見琴

徽蔡女彈

華嶽廟碑海內僅存三本一長垣本一四明本一

關中本長垣本最完好均存午橋尚書處承以影

本見貽作此致羨

寶華庵中作主人摩挲日與古爲鄰岩堯並峙三峯影  
賞鑑都歸一个臣變蚪文堪齊响嘯爲龍劍已合延津  
策勳金石侔調鼎想見晴窗檢點頻

贈葉子川太守

東華舊夢渺如煙客到江城二月天持節忝承三戶後



題襟忽憶十年前菊松大隱身猶健琴鶴輕裝吏亦仙  
早晚漢廷召宣室如君豈合老林泉

熟食日洪山展外舅丁梅村先生墓

戰苦餘殘喘

公以鄉兵勦賊勞苦得喘疾

官清有去思克完朱邑志

長傍鄂王祠

墓在岳祠側

淺草牛眠穩寒梅鶴夢馳一尊熟

食酒料得九原知

遙指讀書處棲霞舊日樓

公往日在貴陽城東棲霞山寺讀書寺壁尙有手書聯語

女亡惟塚在山好爲公留一種漢南柳難回漣水舟今  
朝墓門下獨客感春游

紀夢

亭亭背立綺窗前猶是嬌癡傍母年若爲讀書留種子

藥宮晴檢白雲篇

和江叔海參事見懷用元韻

雪壓天街舊酒旗漢南新柳又如絲筆花五色入君夢

諫草千言答主知庶獄哀矜民有福君疏請清理庶獄荷蒙俞允

羣賢登進野無遺庾樓賓從吟風月回首金臺寄遠思

德宗景皇帝梓宮奉移敬紀誌哀

颿舉 天王慘淡旗難迴駿馭泣鞭絲維新紹述 列

宗鑒 大孝尊親萬國知主鬯得人欣有託抱弓無路

棄如遺斜風細雨 西陵道春老鵑嗥望 帝思

餞春日遊柯巽庵侍郎息園賦贈

瞥聽林鶯百轉嬌入門不待柬招邀牡丹未落春猶在  
雀舌初嘗渴易消恩重那容營綠野禊修曾與話紅橋  
看花故事同看竹一到柯亭興更饒

立夏日集幕府諸君抱冰堂試泰西稱法雖沿舊  
俗亦衡才之意也作此轉質諸君

雅謔能將四座傾冰堂銷夏忝持衡立身與世忘清濁  
著手於人有重輕門價豈因元禮貴秤心敢詡武鄉平  
千鈞事業期公等莫共環肥燕瘦評

再贈巽庵侍郎

麗句如花花弄嬌報瓊情勝舉杯邀知君筆底煙雲護  
使我胸中塊壘消小范江湖猶戀闕長卿駟馬已題橋  
息園鎮日清吟健持較南樓十倍饒

穎女生日有感

去歲蘆潭夜阻風今年風起蜨樓東料應連袂隨仙姊  
不共牽衣慰若翁辣性已為薑桂誤誤服薑桂離情惟  
有夢魂通一尊親薦女兒酒十七年華感慨同紋女年十七而

逝穎女生年至今十七能不悲乎

子原遠寄療痔方劑賦謝

憐我難工廁上吟方書遠寄楚江潯非關老病三遺矢



欲起膏肓一度鍼節飲半除豪士氣來書勸節飲濃薰都寓

愛才心

來方用藥煎水薰洗

黃堂大有回春力我亦蒼生望雨霖

和亭秋韻憶女

生涯都付木蘭舟半載勞君爲我留寂寞謝庭今夜月  
一腔心事五更頭

江色山光共此樓不堪雨急又風颺疏燈紅照曇華影  
一寸明珠一寸愁

午啖鱖魚失折一箸作此遣興

食牛心可炙食黿指忽動慾壑苟不節烹割及鸞鳳平  
生鮮嗜好惟魚入我夢問名洵知時春水一帆送質殊

碧柳貫品類黃花貢庭懸情已矯盤登味逾眾祖堂初  
薦新次爲吾女供老妻勸加餐慙歎開酒甕有如五侯  
鯖儉腹偶豪縱下箸鄙何侈聞雷忽劉闕未留喉舌梗  
幾裂指爪縫一箸誠不惜所惜材可用偕我 帝京游  
借籌屢命中伴我夜郎歸萬里敲詩共魚美供大嚼箸  
折滋隱恫愛魚兼愛箸當筵恐聚訟食罷三太息案舉  
玉摧弄何時垂釣竿收拾心飛鞚表直壁 君賜片舸  
煙波重喚起楚騷人時節近繫纜

和實甫同年移官嶺南詩卽以贈行用元韻

移官百粵拜新恩也似班超入玉門前席漢廷宣賈誼

舊遊蜀道叱王尊綠波碧草春人恨浮雨羅風瘴氣昏  
此去尉佗城外路鴻飛猶認爪泥痕

清風盈裊酒盈卮萬里行騰萬首詩人道狂名同杜牧  
我憐豪氣減袁絲五雲彩筆生花早一騎紅塵啖荔遲  
除卻鶴琴誰是伴壓裝桃葉與楊枝

南極峩峩貢禹冠蓮花幕下此才難碧雞臺榭千山暮  
黃鶴江城五月寒酒債定隨詩債了繡衣莫作嫁衣看  
東坡老去瓊樓遠古調而今向孰彈

槐忙一例簇青袍卅載分飛等燕勞一榻豈因同譜重  
尺樓敢謂上牀高前身夢晉虬堪證大筆昌黎鱷不號

名士名臣期合傳  
惟將經術飾風騷

和答徐花農同年

腸錦新抽乙乙思  
綺窗刻燭夜催詩  
那知枚馬文章外  
更有丹青似伯時

清到梅花幾世修  
春婆夢醒不知秋  
西清著作南齋筆  
讓爾詞場出一頭

寄和子原太守饒州

薜荔陰濃覆短牆  
紫荆披拂趁年芳  
重尋舊夢遙相憶  
朗誦新詩喜欲狂  
一院有春花弄影  
中宵起舞劍生芒  
饒州形勝連吳楚  
南望旌麾當望鄉



遣興四首用實甫韻

人世何曾有怨恩  
論交昨過翟公門  
鱸莼久已縈鄉夢  
牛酒何堪侍上尊  
浪擲梟防全局錯  
勸歸鴉噪滿林昏  
朔南萬里關山路  
都是當年屐齒痕

寶筵側弁酒千卮  
四座羣傾悔過詩  
泣別卞和曾抱璞  
化緇墨子易悲絲  
百回運甓陰知惜  
八影移甌日上遲  
莫但梅花吟五月  
江城留得歲寒枝

沐猴空羨楚人冠  
不信青天蜀道難  
極浦雪泥鴻有迹  
深宵風露鶴知寒  
迷離夢已隍中覺  
兒戲軍還壁上看  
爲語三千珠履客  
歸來長鋏莫輕彈

平生詭遇薄輪袍作德心休作僞勞市骨有臺尋郭隗  
載韋無地覓弦高疲驢失路愁千里饑鳳當門試一號  
又見漢陽芳草綠鬢絲容易感蕭騷

乞請未 允感賦

溫語下堂坳葵傾協泰交欽惟 沖主聖不令邇言淆  
遵渚孤鴻翥參天萬象包歸心縱千里難逐釣竿梢  
三楚雄南服提封忝大邦才輕愁展驥影吠不驚厖望  
古懷陶庾承流控漢江朗吟崔顥句先受鶴樓降  
妥慎明臣素周詳契 聖懷褻榮甯一字傳誦徧干街  
異說銷騰口 皇心鑒乞骸感深惟涕泣未許夢屏柴

萬事待經理惟當實此心艱危虛報稱衰病苦侵尋戀  
闕江湖遠談兵歲月深利民兼利 國責鉅恐難任

初度日遊小平泉用前韻

宛到孟城坳濃陰密密交胸惟千畝在言謝百家淆避  
客先懸榻如僧倦打包夕陽知我意常挂樹枝梢

莫道平泉小淹留感此邦花迎浮檻蜨竹隱隔離厖水  
繞粼粼石臺窺面面江暫時供嘯傲早受簿書降  
是非誰管得煮茗且開懷談虎成空市婚牛唱滿街翻  
瀾蘇季舌放浪右軍骸一徑雲封鎖旁人枉叩柴

南樓一片月照見昔賢心璧已分陰運碑還墮淚尋誅

求民力盡衰勉 主恩深縱有澄清志才疏力不任

端午遊園示亭秋

綠蒲觴罷舉

余哭女詩有菖蒲艾葉為誰  
綠再過端陽罷舉杯之句

百感集天中

芳訊客來北

高澤畚學使由京甫  
回詢知都門近事

鬱居吾欲東涼蟬鳴

細柳么鳳泣枯桐

謂紋女

繫糶還佳節臨流記楚風

落日城樓上鶴飛五月寒耳喧知市近日盡覺江寬蠲

疾誠求艾得天祥毓蘭

庭前蘭花盛開有雙心並頭放  
者有一心七瓣者僉云花瑞

衙無一事直可署園官

噩耗傳吳下高名失太邱

得蘇州電陳伯平  
中丞昨日仙逝

一書纔付

驛三日前曾寄一書

百尺竟摧樓鶚薦交原古鱸香願未酬

伯平



奏請開缺奉  
旨給假

宮衣余尚著

當暑愴前遊

十年桑海事只有老妻知

庚子之變妻女同處危城今女亡惟妻在

畿外初

鎔鐵

是年五月二日拳匪燬京保鐵路內外信息不通

河陽正豎旗

越日余隨榮文忠公

乘車至豐臺慰問各洋工程師並分遣弁卒安撫沿路居民人心稍定永定門天橋一帶列陣警備軍容甚肅

酒杯酬地臘神劍託天師今日梅花笛昇平異舊時

詠庭前並頭蘭

蒲綠榴紅罷舉觴瓣香都在詠蘭堂幾回月下兼燈下

照影分明對面妝

風靜天高露滿庭亭亭如玉鬪芳馨始知花亦逢人意

不向枝頭避尹邢

相對相當綽約姿獨眠情緒未曾知筆花若繪羣芳譜  
已費妃青儷白辭

無言各有未申情石上三生締舊盟折向鏡邊羞短髮  
愛他心迹本雙清

出城沿江岸行宿雨初霽作此遣興

雨後塵蒙豁朝來喜放晴馬愁官路滑潮與大隄平浮  
岸挂帆影隔江聞市聲籃輿經過處耕織見民情

江岸  
紗布

等局  
林立

題金鶴生廣文所藏方正學先生墨蹟冊頁

讀書已斷江南種養士空勞二百年我撫墨花三太息

孤亭木末尙巍然

詠七瓣蘭

吟成一字一芳華  
寫韻何須賦八叉  
綬佩襄機新織錦  
賞心寶盃細評茶  
羣賢友共林間竹  
六出多於雪裏花  
曹步才工枚發豔  
植根奚止並頭誇

前詩和韻甚多再成一首

春曉歲蕤秋夕華  
尋幽不礙路三叉  
形如鞞帶疑翻藥  
香比旗槍合鬪茶  
留取一枝傲梅實  
儻開八朵即瓊花

瓊花有謂九朵亦有謂八朵者

相逢月下重窺影  
列宿星芒一半誇

連宵大雨城塌數丈窮民有受傷者作此誌感

木言堂詩金 卷七  
黃鵠磯頭望危哉半壁撐干帆猶繞郭一雨竟傾城騎  
鶴昔人去憑狐中夜鳴最憐無告者性命羽毛輕

喜晴疊前韻

民呼天竟格棉力愧支撐雲氣開青靄霞標滿赤城簷  
知乾雀喜野少斷鴻鳴轉歉爲豐歲一晴關重輕

答胡琴初太史

梁園舊賓客伴我上南樓地尙誇三戶人誰鑄六州大  
名丹辰注佳句錦囊收好畫宗資諾冰堂冷抱秋

閱琴初架上館選錄有作

九朝人物銷沈後姓字猶留此卷中不向其間參一席



廿年前已誤雕蟲

余廷試誤書蚨字朝考  
誤書蜚字竟失館選

亭秋生日偕遊小平泉以詩侑觴

香滿詠蘭堂爲君一舉觴委心捐禮數絮語話家常  
綠水初浮檻青山促辦裝纏緜無盡意好景駐斜陽

爭墩笑安石隨地有平泉榮落池邊樹陰晴郭外天  
新嘗活火茗穩送順風船回首紅羊劫滄桑已十年

宿雨初開霽苔痕綠上階指揮宜羽扇脫略到椽鞵  
煙靄連城闕琴書畫舫齋過庭多樂事惜少謝嬌偕

工謀兼善斷何止女相如蘭氣因風襲梅魂帶月鋤  
喜看游俠傳欲上活人書解意雙雙蜚穿花護筍輿

銷夏疊前韻

平臺風日好曲水競流觴火繖初交伏冰心不改常簾  
疏三尺影衣薄五銖裝一枕藤陰下蕭蕭卧夕陽

簾挂初三月鑪烹第二泉樓牀登得地瀛海衍談天心  
迹琉璃簾生涯書畫船棋枰銷一局誰道日如年

寥天聞玉笛清露滴瑤階荷淨紅擎蓋苔深綠浸鞦浮  
瓜真率會燒筍太常齋此地同吳廡幽居德曜偕

賓從南樓集高風我不如窗蕉添雨韻籬豆和煙鋤消  
渴惟宜酒焚香且讀書看山如有約柳外駐籃輿

酬葉子川太守嚴晴初大令園居遣興再疊前韻

性不因人熱猶堪一詠觴幽情君暢敘豪氣我如常展  
裊攜吳本披襟學楚裝柳邊曾繫馬游俠憶咸陽

舊雨兼今雨清泉異濁泉江山上游地風月晚涼天草  
色看書帶花香載酒船平生絲竹興哀樂逼中年

瀟灑梧桐院濃陰綠滿階蘆簾兼竹簟布襪與青鞵卓

錫僧歸寺常州天甯寺僧  
治開上人來見鈔書吏散齋北窗清趣永高

卧有誰偕

荷芳清晏盛淮浦清晏園  
風景最盛持較竟何如掃月童攜帚耕

煙客荷鋤一鷗醒宦夢雙鯉到家書荆楚勞行役狂歌

和接輿

林亭堂詩金 卷一  
菩陀峪 定東陵告成榮文忠公以承修大臣奉  
旨賜祭一壇聞之恭紀

麥飯年年念老身九原公定淚霑巾承 恩昔拜 山  
陵使夾輔今思社稷臣豈爲樊豐祭楊震略如溫國事  
宣仁股肱心膂誰堪繼况是 天家肺腑親

偕亭秋遊南湖

偕向城南作俊遊楚天涼雨夏如秋畫船隱隱穿紅藕  
煙樹深深駐碧油幾陣香風來乳燕一般清趣付閒鷗  
登臨大有西湖意山外青山樓外樓

六月廿二日焚示昌紋用亭秋韻



一夢闌珊散舞臺五年睽別詎忘哀兒時書畫分明在  
密裏重重未忍開

仙蹟含真果是真年來我亦病中身一坏乾淨西湖土  
月下花時總愴神

塵緣清淨了糾纏唾化紅冰淚化煙始信人間有哀樂  
不教福慧得兼全

買山我結曲園鄰汝在山中伴兩親淑卿蓮漪兩夫他  
人均葬右台山  
日黃泉會相見兩家眷屬一家人

昔年烽火屋東頭童語驚余勝老謀拳匪之變同處危  
城女謂拳匪不過

一時之亂各國軍隊現雖雜居京門久之必  
受和款勸余留身爲國余與亭秋頗然其言聞道兩

宮西幸事背人先已淚雙流

鎮日看山螻桂樓遺容猶幸鏡中留煩將青鳥先傳語

阿母朱顏易白頭

卻病多時謝杜康一囊詩卷一鑪香右台路比桃源近

宰樹蕭蕭挂夕陽

不老仙家駐景光似聞廣樂奏清揚年年六月傷心事

思女思親祇自傷

先大夫甲子六月十六日棄養

尋黃鶴樓故址

廿載題襟憶舊遊一年容易又驚秋蕭蕭短髮支離甚  
滾滾長江不盡流劫後遺蹤難訪鶴客中多病怕登樓

勞生鎮日攖塵網輸與煙波一葉舟

七月望日臨洋務局示吳方臣羅麟閣周調之用  
方臣韻

脣亡畢竟齒同寒善飯空思老據鞍豈有范韓猶怯敵  
似聞平勃已交歡成城志協三人眾長日棋銷一局殘  
試向新亭小延伫好花休讓別人看

方臣新葺一亭中有花木

馮夢華中丞同年節臨漢上過江話舊即席賦贈

回首觚棱夢繞無皖江煙樹更模糊晉公綠野抽身早

謝傅蒼生望眼枯相馬昔曾空北冀

君以高第出身馳名日下騎驢

今又戀西湖相逢一笑南樓上各有霜花壓鬢鬚

夢華有和章疊韻奉酬

棘院蠶聲尙有無廿年同榜憶名糊牙期絕調知心少

君下車卽作漢上琴臺之遊

元白無兒老淚枯

彼此同慨

三徑君先種松

菊一蓑我欲夢江湖山公定遠家風在想見耽吟手撚鬚

再疊韻柬夢華

清才早歲識之無脫屣浮名紙上糊靖節集由歸後定  
江郎筆已夢中枯閒邀鄰叟觀棋局話到 先皇哭鼎  
湖何日翦江重下榻遲君待月捲蝦鬚

柬葉子川太守三疊前韻



接到家書衣到無小窗風透碧紗糊浪遊行腳知君健  
窘句搜腸笑我枯已有封章留北闕更饒清夢繞東

湖

南昌有  
東湖

秋宵戲鬪尖叉韻故紙堆中試鼠鬚

陳伯平中丞靈櫬由蘇至鄂臨江祭弔得詩一首  
曾共寒山作俊遊又迎丹旄磯頭清風習習空盈裊  
舊雨瀟瀟易感秋飛舄已隨弓劍遠遺經還爲子孫留  
同舟敢附規隨誼立馬江干哭故侯

八姪昌震病歿南昌作此哭之

幸有微名達九天恨無靈藥駐華年逝駒頓失家門望  
畫虎曾貽教誡篇衝雪隨余行萬里臨風酌汝哭重泉

而翁縱博多男慶一日腸回百沸煎

大兄晉秩粵藩以詩馳賀用去年移官南昌臬使

贈行韻

宦味初回蔗境甘珠江新盼使君驂  
九秋楓葉辭溘浦一路梅花到嶺南  
帝命旬宣侔召虎人言治理勝張  
堪白頭記取還山約風雨聯牀共一庵

田家鎮晚泊翌日過半壁山遂至武穴示夢華

憑臨楚尾望吳頭形勝東南據上游  
風月滿船仍迓客江山半壁最宜秋  
卽今荻葦寒汀長終古彭楊戰壘留  
此去潯陽天咫尺琵琶聲咽琵琶洲

懷夢華漢上疊前韻

布颿目極楚江頭  
遲客臨風作勝游  
積水浮天迷遠岸  
片雲催雨入深秋  
難禁舊侶黃壚感  
已有新詩赤壁留  
最是疏星殘月裏  
蓼花瑟瑟滿汀洲

和夢華韻卽謝題含真仙蹟圖

絕妙詞才並世無  
翩翩文藻富三都  
逢人怕說金梁事  
讀罷君詩碎唾壺

薏苡曾傳去溼方  
還鄉休羨越南裝  
皖山嶽嶽公同峻  
淮水湯湯民不忘

苦費媧皇補漏天  
同光猶是中興年  
逢場恩怨牛攻李

滿地衣冠蟻慕羶

傳語吳儂問喘牛  
大江日夜欲東流  
一鑪冶鑄一州鐵  
可奈紛紛聚六州

夢華疊韻見示作此答之語近激切不足爲外人道也

曾趨朵殿奉三無  
溫語親聆 帝曰都回首  
橋陵弓劍渺不堪  
清淚溼宮壺

寶劍曾聞請上方  
短衣今換武靈裝  
犀軍十萬新龍武  
薪膽年來未敢忘

蕩魏猶戴古堯天  
劫火庚辛又十年  
若使天驕識麟鳳



會將花雨洗蠅羶

早使殺車辟蠅函

火急官書憫汗牛黃金一擲付中流縱橫誰似談天衍

天外之天有九州

楚人荷戈又誰說金粟天南只說新

感懷仍用前韻

長對四六

秋水長天雁到無郢都蕭瑟憶洪都夜窗排遣無多物

一箇詩囊一酒壺

清外語客更說以論

星轍翩翩謁上方牽衣曾著道家裝終南紫石分明在  
此恨香山未忍忘

南樓明月楚江天容易西風又一年省識牙琴流水意

不教清趣溷腥羶

各詞卷第拾陸四

木言堂詩金  
蜀人假道誤金牛楚客聞猿淚欲流畢竟西湖美風月  
與君翦燭說杭州

寄薩鼎銘軍門

破浪乘風未泊船沈江鐵鎖不知年曾麾羽箭晴川閣  
又送蒲帆黑海天節假龍驤名更遠石銜精衛恨終填  
艱難共濟資謀畧利斷兼金百鍊堅

答何潤甫同年見懷用元韻

春水情深千尺潭懷人詩又到庸盦寥天醉月觴飛一  
永夜挑燈漏轉三晚節君希韓魏國前徽我愧杜征南  
鐵橋虹貫河如帶早趁鋒車報鯉函

示夢華再疊前韻

拚將棒偈喝當頭悔未歸休學少游麟鳳可曾在郊藪  
蟪蛄苦不識春秋江臨夏口雙流合客作平原十日留  
聞說杖藜攜小阮詩成笑傲失滄洲

秋夜不寐

涼透蟬紗影燒殘蠟炬灰下帷初閉月入枕忽成雷

爲蚊

所苦渴病惟思茗芳痕欲點苔中宵慵起舞卧聽漏聲催

柬夢華三疊前韻

一甲三人媿狀頭千門走馬憶春游大名天上探花使  
小隱淮南落木秋蕉夢醒時吾亦老竹林深處客還留

何當再挹江亭勝風葉蕭蕭荻葦洲

送夢華歸吳四疊前韻

才地輸君出一頭筍香魚美夢黃游琴鳴漢上難工和

笛入山陽易感秋新聞張抱冰之喪客裏桃根聊作伴衷中詩

卷喜長留江南哀雁資安集片舸先臨九湫洲君先至金陵籌

商賑務事竣回寶應

夜半登樓眺漢江五疊前韻

滿街燈火大隄頭卜夜還疑載月游沈醉百篇銷斗酒

相思一日抵三秋嘶風病馬創癥合踏雪飛鴻爪印留

闌闌廣開文物盡祗餘鸚鵡尙名洲



弔張文襄公六疊前韻

祗贍丹心與白頭似聞折角勝朱游  
臚雲金殿三朝輔落日荒原五丈秋  
遺澤定隨江漢永凌煙已有姓名留  
沖皇流涕思良弼况復哀榮徧五洲

再弔文襄七疊前韻

肩輿曾到殿西頭魂魄惟應戀樂游  
軒鼎攀髯兩行淚漢南種柳廿年秋  
起居島使詢安否乞請中朝屢慰  
留感舊一篇公手定別裁不數沈長洲

堅夢華明歲來鄂之約八疊前韻

山妻斗酒弄牀頭赤壁前游續後游  
別去銷魂江草夢

宵深看月井梧秋重來舊地應如舊問訊留園可再留

清淮節署淮園又名清晏園  
適值裁撤衛所余改名留園客路寒衣早料理楚江風

起白蘋洲

贈夢華九疊前韻

秦淮河畔蜀岡頭

先至金陵  
後回揚州

惜未偕君作浪游大別山

前人賦別亭秋館裏客吟秋論文盧本居王後茹恨星

難與曙留蘿袞偶殊鍼芥合一羈塵海一仙洲

九月五日邵伯岡太史招飲因雨不赴

篠驂已駕未升堂慚負先期折簡忙雞黍多情留後約  
雨風佳節近重陽調琴已歎新絃改面壁還須舊學商

萬卷讀書兼讀律，未應詩酒託疏狂。

伯罔有和詩疊韻答之

新詩喜到詠蘭堂

署中新署堂額

遙想高齋擊鉢忙，撤炬人歸

蘇玉局沈碑客，感杜襄陽興。闌不爲催租，減律細惟應。  
載酒商又屆，龍山落帽節。鬢絲非復少年狂。

重九法政學堂新亭登高，卽席賦贈同游諸君子。  
危亭高枕楚江邊，卷幔臙脂欲鬪妍。豪氣銷於湖海外，  
夕陽紅到酒杯前。民窮早罷催租吏，節好叨陪都講筵。  
只恐菊花笑歸客，就荒三徑已經年。

越日又成一詩仍疊前韻



同插茱萸兩鬢邊  
重陽無雨晚秋妍  
爲尋陶菊吟籬下  
惜少江花繞筆前  
法曲翻成新樂府  
舞衫淪落舊歌筵  
一亭大有興衰感  
風景依稀憶往年

十三日約徐小舟嚴晴初江壽萱登奧略樓遠眺  
豪興經秋未肯闌  
偶攜賓從一憑欄  
臨流漸覺收帆易  
得地方知締構難  
樓閣玲瓏人面改  
江山浩莽客衣單  
漠南搖落桓公柳  
回首金臺夕照殘

感事

破碎河山夢裏思  
空空妙手是男兒  
臨觴漫灑新亭淚  
拍案俄驚博浪椎  
敵國喪歸元帥軫  
在天靈安父師箕



塗將肝腦謀脣齒市上荆高恐未知

嘗膽惟應鑿噬臍中宵起舞但聞雞榻前睡已爭蠻觸  
壁上軍先罷鼓鼙三戶圖存無罪楚一身不負式微黎  
魯陽大有揮戈意可奈虞淵日腳低

再成二首仍疊前韻

故國平居有所思

用杜句

諸公袞袞盡庸兒隱名疑似補

鍋匠佳傳應修大鐵椎虹貫已寒嗚咽水風從難強簸  
揚箕臨軒小試屠鯨手虎豹當關總不知

怨毒都歸上相臍五洲均勢失連雞倡提靈武收京策  
掩息漁陽動地輦歆祀料應存漢臘子遺猶幸有周黎

高山仰止滋余慕東望三神轉覺低

貢院扃試選拔生感賦

樺燭雙行漏點三箇中風味我曾諳窺簾已少營巢燕  
下筆猶聞食葉蠶此後宜防書種斷旁人莫當老生談  
維新事業先求舊江漢謳思教澤覃

覆試揭曉仍疊前韻

看榜千門射策三少年結習老猶諳扶雲羽翼飛雙鳳  
織錦機絲貢八蠶行見霓裳天上詠未應風月坐中談  
盟心肯以他途進 聖代菁莪雅化覃

讀廣雅堂詩集書後

鴻製新成廣雅堂病中審訂棗梨忙羣推手筆伴燕國  
况復心香繼益陽孔鼎湯盤存述作黃鍾大呂協宮商  
燈前自檢鶴樓集崔顥題詩未敢狂

秋夜懷京師友人

縲紲原非罪嗟哉一息存不教身命擲終戴 聖明恩  
昔作王臣蹇今知獄吏尊埋頭書牘背公道向誰論

翦燭朝歌驛

辛丑冬衛輝行館把晤竟夕

違君又八年奮飛原異地

聞耗每呼天不謂鬱林石翻成阿堵錢遙傳 丹鳳詔  
新降五雲邊

龔省吾觀察和棘闈感事詩再疊前韻奉酬

就菊還來望徑三鱸羹蕪菜味深諳林逋傲世清於鶴  
蘇子酬詩苦似蠶鄉貢已停唐代格名言如對晉人談  
掄才公是斲輪手回首朱衣教化覃

孝欽顯皇后山陵禮成敬紀以詩

景山風動萬年松長樂宮花咽曉鐘五色石成媧帝業  
八方甌奠女堯封麥搏社飯身垂老血盡鶻嗚淚不濃  
東望 定陵雲氣紫補天心事報 文宗

四十年來百事非 慈雲一去失春暉兩求民隱馳雕  
輦三抱 冲人著帝衣前席尙承宣室問苦心肯與外  
廷違玉花嗚咽先朝馬猶共宮鴉望六飛



三日 實甫觀察遠寄端州雜詩依韻奉答

茫茫海岸息驚湍按部知君善據鞍三郡爭迎新使節  
一身未改舊儒冠記成赤雅摩挲讀郭繞青山帶笑看  
獨有梅花是知己閒攜賓從一凭欄

陸申甫方伯哲嗣靜山蹈海以詩弔之

中庸至德成絕望流俗脂韋各殊狀陸生蹈海事獨奇  
四顧蒼茫覺神王少年學詩鯉庭中壯歲作客箭弦上  
五侯七貴不在眼歸來孺慕終身養如生才調信無倫  
縱不奪席咸避讓只合聯牀坡潁樂未應傲世巢由抗  
如何俯仰天地窄誓斫長鯨踏巨浪豈其胸中多塊壘

或愁江南有癘瘴文淵志未馬革酬屈平身已魚腹葬  
遺詩留寄白髮翁一字一淚慘意匠世人皆醉何曾醒  
生也雖死若未喪我讀方伯祭子文棖觸中州哭女愴  
移官直北乞病未允敦促北上賦此留別

鵠磯高峙楚江干對此茫茫感百端病馬裹創愁戀棧  
勞人思憇倦凭欄急流飛鷁談何易中澤哀鴻不忍看  
一紙詔書銜鳳下移民無地愧移官

堂前十桂最相知花木平泉雨露私霸業雄於三戶後  
寶書讀已十年遲南樓風月誰賓主西子湖光有夢思  
三日曾經桑下宿催人無奈電音馳

北邦信美盡瓊瑤兩載曾停問俗軺楚產繇來先北學  
漢旌憑以折天驕前塵京兆街頭馬後夜丁沽夢裏潮  
莫笑行囊太羞澀壓裝猶有敝裘貂

劫火庚辛不計年天津橋上但嗁鶻傳聞骨價金臺貴  
未許鼯聲卧榻眠挽鹿暫遲借隱約鏘鸞先賦早朝篇  
江潭搖落桓公柳可解牽絲繫客船

漢江舟中不寐與亭秋聯句

篷背瀟瀟雨

亭秋

聯牀話別情倦遊思遠道

筱石

臨發

問歸程有約聽殘漏

亭秋

無聊翦短檠征車催太促

筱

石

熱淚暗相傾

亭秋



舊約遲偕老 亭秋 怱怱感白頭江間風捲浪 筱石 天際

雪盈舟莫羨名場膺 亭秋 難禁繡閣愁臨歧珍重意 筱

石襟酒說杭州 亭秋

五載思兒苦 亭秋 愁中與病中歸裝惟載石 筱石 飛蓋

又乘風時局艱難甚 亭秋 離懷彼此同何時梅鶴侶 筱

石煙水故園東 亭秋

江岸一樓古 亭秋 鶴飛依北枝笑他不速客 筱石 只解

頌揚辭善掉蘇秦舌 亭秋 能舒德曜眉漢南無限柳 筱

石攀折意先馳 亭秋

十月二十九日輪舟早發贈亭秋



雪花催賦北征篇  
回憶東吳萬里船  
今夜不知何處泊  
荻花楓葉浩無邊

年來我已倦風塵  
君亦工愁善病身  
聚已無聊遑論別  
梅花孤負右台春

松壽堂詩鈔卷七

[Faint, mostly illegible text in vertical columns, likely bleed-through from the reverse side of the page]

松壽堂詩鈔卷八

貴陽陳夔龍筱石

北門集

起己酉十一月  
迄庚戌十二月

磁州道上追憶漢口舟中與亭秋夜話作此遙寄  
塵鞅勞勞暫息肩簡書催我去朝天難攜局外觀棋斧  
且上江頭載酒船鯨浪平時知柁穩漁燈紅處對牀眠  
柔情織就絲千縷披拂行旌到日邊

入都有感

滿眼衣冠第宅新重來非復舊時春宮花帶露都含淚  
石馬嘶風已絕塵未必北門需寇準莫從東閣訪平津

惟將無逸艱難意勉向青蒲一再陳

聞楚材輪船黃州擱淺寄懷亭秋

破寂耽吟手一編水籤迢遞數歸船朝來忽報風波惡

祇在蘆花淺水邊

用唐人句

早朝口號

永夜雞人報曉籌徹天燈火六街頭相逢鷓侶都傾蓋  
逃聽鸞聲正委裘薄植重親温室樹麤官孤負耦園秋  
十年舊恨銅駝在忍向青門說故侯

雪夜朝回遂過榮文忠師宅

金貂打疊夜趨朝壓重還欣瑞雪飄鎖鑰敢希門下準



徽音剛祝女中堯

恭上隆裕  
皇太后徽號

豐年北地千家玉舊

夢南黔萬里軫腹痛平生感知已過車三步頓思橋

德宗景皇帝梓宮前叩謁恭紀

鵲血唬將盡

龍胡去不還昔承

先帝詔今輟早朝

班殿瓦經霜冷宮花映日閒外臣惟飲泣圖報一身孱

三十四年中離離

帝在宮承歡

文母喜挈矩小民

同施濟堯猶病平成禹有功煥巍不朽業峻極與天崇

極目

西陵路葱葱氣自佳新邦周室造黨禍宋廷排

百堵馳馨鼓千官冷膳牌共驚國旗下哀痛五洲皆

三朝數人物幾箇至今存已愧藩南楚何堪掌北門重

來京輦地永戴 聖明恩一掬青袍淚猶霑舊血痕

梁格莊夜宿贈楊逸真觀察

兩載吳霜又楚雲珠邱今夜細論文  
恰逢易水冰初上曾過邯鄲酒半醺  
新月一鉤窗外落悲笳數拍枕中聞  
宜南舊雨今餘幾除卻西山便是君

遊陶然亭

過眼慵看帝里花孤亭依舊屬江家  
踏冰得得初鳴馬穿荻深深尙有車  
門外童僧知笑客山中病婦悔乘槎  
得亭秋書舟至黃州攔淺浮雲容易成蒼狗  
不放西山日影斜

寄和亭秋杭州

風雲多變態何處溯根由人自還山羨花仍逐水流琴  
囊誰與共詩卷喜長留養得心源活飄飄不繫舟

天甯寺題壁

破壁曾經劫火燒入門惟賸野花招養茸鹿已隨僧化

吠影厖還向客驕南浦送人成永別

戊戌八月送李苾園尚書西戍翦燭

山寺作竟夕譚

西山笑我太無聊十年興廢一彈指早晚霜鐘

伴寂寥

長至後一日展拜榮文忠師墓

一陽初上凍雲開特爲先生掃墓來六瑄灰飛身後劫  
十年木是手中栽東山早罷圍棋局北地難資掌鑰才

濁酒酌公無一語知公憂國淚盈顙

米市酒樓贈家松珊給諫同年用遊陶然亭韻

諫草書成筆有花苦心憂國早忘家避驄目已無羣貴

飽蠹胸還富五車一自黃門聽曉漏難從黔水泛歸槎

君亦有還山之志

金尊酌我宣南酒舊夢櫻桃看月斜

二十年前同寓

櫻桃斜街詩館

### 出京大風

昨宵燕市寒衝雪今日丁沽飽御風風雪滿天人不覺

家書安穩望南鴻

亭秋書來問狀作此答之



自到津沽有所思略將近狀報君知寒潮警夢三移枕  
薄酒添愁一舉卮祇借疏燈聊作伴並無佳客解吟詩  
傳聞風日杭州美身不能飛意已馳

得家書卻寄仍用前韻

遠道縣縣寄所思閨中情緒客中知生涯久已成孤注  
世事何堪有漏卮小別花前留後約獨眠枕上改新詩  
之江雪浪丁沽水一樣潮聲兩地馳

夜夢紋女如四五齡童子狀牽衣不去殊難爲懷  
十旬不入夢一夢轉迷離笑貌仍吾女甯馨是此兒前  
身緣藥誤再世定環知衰病催余老呱呱又幾時

喜顧漁溪都護同年至

束筍官書亂一堆挑燈忽報故人來  
交深肯下陳蕃榻年少曾驚賈誼才  
草草談禪參玉版忽忽款客酌金罍  
憂時各有難言隱且向鑪邊撥冷灰

寄和亭秋問訊杭州新屋

塵海分馳兩意皇此身原自有隄防  
梁鴻鎮日思吳廡何況鍾情老孟光

春來燕子總雙棲草綠裙腰一道齊  
卜得數椽避風雨裏橋他日手重攜

賜書須弄屋東頭一榻西偏爲我留  
貧賤生涯借老約

眼前富貴比雲浮

特爲看山起畫樓五年舊恨上心頭憑誰光彩生門戶  
嬌女如花不肯留

客有餽牡丹者置之北窗時盼杭州家書

遠道移來帝里春姚黃魏紫鬪鮮新梅花鎮日無消息  
賴爾窗前作解人

題孫子瀟先生雙紅豆圖

錢惠風流有再傳興公妙想信天然花前譜出雙紅豆  
抵得天台賦一篇

一卷纏緜幼婦辭百年留得是相思乾嘉老輩多情甚

又見文孫綵筆持

寄答漁溪都護亞蘧太史昆仲仍疊前韻

催詩刻燭淚成堆咳唾珠璣附驛來  
洛下機雲仍作客禁中頗牧正需才  
朝元共寫新春帖拜母同斟舊酒壘  
獨有北門老從事縱非霜鬢已心灰

和亭秋韻

人遠隔千里灰飛動一陽心馳惟見月  
骨瘦不禁霜卻病先平胃聞歌欲斷腸  
毋忘饁耕約宦海正茫茫

紋女生辰適接杭書感賦

難求不老藥又屆誕生時阿母肝成疾  
阿爺筋已疲寒



鴉驚短夢老鳳泣枯枝何日重相見先題望遠詩

寄亭秋書

客路馳千里人謀策萬全料知梅萼早扶病綺窗前  
今夜冰初泮明朝歲又除燈前語僮僕爲我辦屠蘇  
一官誠自縛辛苦爲誰來深佩山妻論愛民休愛財  
病後宜滋補涼方莫浪投山參與山藥計日到杭州

除日書懷寄亭秋

津門甫持節倏焉歲已闌回溯一年中過眼浮雲看人

日登鵠磯步武慚胡官

黃鵠磯上有官文恭  
胡文忠兩公專祠

元夕晴川

閣維舟漢江干弔古發長嘯賓從青琅玕一病忽月餘

作文廁上難乞身 帝不許無分持釣竿民窮天降酷

浩漫江波濶奉職太無狀嗷嗷鴻羽寒發粟賜帑金

恩詔飛紫鸞流民繪成圖俯視增悲酸振糶兼隄防醫

創譬肉剜誓擲七尺身力障奔流湍何圖志未竟夢穀

繞桑乾北門鎖鑰地銜 命忝登壇再辭不獲請責鉅

力莫殫適值老妻病單舸下臨安勞燕本同巢分飛各

羽翰來此歲又改努力但加餐銀魚紫蟹羹日日快堆

盤丁沽未解凍事簡恣遊觀可惜繁盛區絕少青山巒

荏苒逼除日懷人意寡歡東坡饋歲詩所見非一般兒

輩賭棋局琴徽無女彈南望蜨桂樓梅花簇錦團東望

天香閣藥鑪置檐端別離曾幾時雙曜飛如丸但集今日景莫放酒杯寬書此貽杭州中宵起浩歎

庚戌元旦口號

東風吹上萬年枝客裏絲絲寄遠思卻喜津門春色好  
辦香先拜李侯祠

花近紅樓日上時丁沽冰泮已遲遲廿番風信從頭數  
賦就新詩改舊詩

謁李文忠公祠

再造端資盡瘁躬千秋論定帝褒忠一軍壁壘同光  
彌甘考中書媿令公已有村氓來獻歲莫嗤元老但和

戎卽今魂魄嬉遊地如見當年定亂功

和答宋芸子觀察同年除日見懷

玉堂仙吏蜀經生揚馬文章更老成除日詩來元日和

出山泉比在山清一樓師鉢傳湘綺萬里行勝別錦城

曾游歐西  
著作甚富見說丁沽冰泮早聽完衙鼓聽潮聲

和亭秋立春口占

細嚼梅花韻親焚柏子香客心雙蠟炬春色一詩囊酒  
債年來減蘭言夢裏芳遙知西母宴嬌女進霞觴

人日憶女疊前韻

右台山下路料得早梅香寶鏡霾荒土殘篇付錦囊海



枯難恨補髮白感年芳人日懷嬌女詩成罷舉觴

示許汲侯觀察

觥觥鬢舍溯天台

外舅季傳先生  
曾秉鐸台州

祖德高門駟馬開羣

從久推公輔望一經傳自外家來鳳毛濟美聲逾遠  
身繡成章手自裁卻羨東風披拂早杏枝移向日邊栽

寄亭秋疊前韻

欹枕知君夢右台橫河春漲片帆開已愁杜宇催人老  
應有鶯兒喚母來客路崎嶇腸共轉家書珍重手親裁  
孤山已被林逋占萬樹梅花繞屋栽

人日獨遊有作

平生結書耽吟詠獨逢人日怕題詩兄弟三人各千里  
嶺南劍北空相思一妻扶病歸故鄉書來使我心飛馳  
春寒薄遊意不樂離情只有東風知東風著力催百花  
花亦無聊開遲遲老鵬長嘴背人立毛羽苦被羅網欺  
我獨何爲久羈此客中未辦草堂資白石粼粼半池水  
知是丁沽冰泮時

和張馨安都轉兼領柏臺除日感遇韻

少年劬學富三餘中歲曾偕計吏車兩載筦鹺劉晏法  
一生得力計然書蘆邊早斂私梟迹草澤羣驚害馬除  
今日惠文冠柱後柏臺春酒肅簪裾

攝官除日兆真除令甲新頌慶有餘萬卷致君身讀律  
三章約法吏鈔書傳聞門大堪容駟莫羨淵清但察魚  
早晚漢廷召宣室賈生洛下有誰如

和亭秋

迢迢雙鯉附書來丁字沾頭東甫開眉黛慵看天上鏡  
燈花喜落客中杯函因遲答神先往詩爲旁敲字細推  
休怪紅閨怨離別春情鎮日減方回

黑貂拚與換黃嬌宛轉情絲且漫撩一刻春宵雙月滿

院中懸琉璃電燈

頭番花信八風調狂來見獵心還喜病起看

梅手自澆聞道瑤池開夜宴驂鸞秦女下雲霄

元夕步至金鋼橋看燈

火樹銀花錦簇圍  
元宵燈月影交輝  
河橋早弛金吾禁  
戲學兒童買夜歸

寄答馮夢華同年疊武昌留別韻

綵筆曾聞氣象干  
碧幢威望重朝宦  
成作客身非隱  
老去逢春意未闌  
舊學商量同調少  
新詩留寄故人看  
摩空絕似丹青鶴  
愧我黃塵溷一官

春來情緒報君知  
藏海園中草木私

署中園亭軒敞余名之爲藏海園

一水池塘夢康樂  
半畦農圃學樊遲  
風煙莽莽庸爲福  
江漢滔滔去後思  
駑馬縱饒千里志  
十年辛苦厭驅馳



投詩聊以報瓊瑤綠野難停使者軺霖望再爲江左出  
醉呵早折灞陵驕筆含鐵甕金焦色夢繞錢塘龕赭潮  
君春間擬 聞說 冲皇思舊弼薰香料理早朝貂  
遊杭州  
曲江春宴忝齊年恩遇 先朝泣杜鵑望帝難逢青鳥  
使浮家惟共白鷗眠若蘭書是回文錦長慶集多唱和  
篇蓑笠那容公傲我煙波早辦五湖船

酬馨安都轉疊前韻

長城高築目無餘白戰難降李左車鈐印甫看晨啟鑰  
投詩忽報夜傳書不因客裏春情減喜聽朝端黨禍除  
擬向水西添詠事放懷容爾曳長裾

無邊風月到庭除湖海論交薄耳餘落紙醉臨張旭草  
回文錦報竇滔書適得家書服鹽久屈行空馬解凍應多縱  
壑魚發篋幸無封禪稿不才何敢擬相如

題洪翰香觀察尊人琴西都轉冰天春霽圖

冰心未改鬢毛斑匹馬孤臣再入關疑案已成蠅誤筆  
感恩應矢雀銜環去聆塞北箜篌曲歸卧淮南大小山  
畢竟陽春先有腳玉門天外幾人還

酬夢華同年見寄元日遣興

飛羽遙將大白浮霓裳詠日幾生修不餐苓朮身還健  
浣誦珠璣韻欲流西笑難題司馬柱東歸早羨季鷹舟

白田居士今無恙冷眼看人鑄六州

感懷疊前韻

進退平生綽有餘甯將覆轍鑿前車  
悔談細柳兵間事補讀扶桑海外書  
鳥入雲端惜毛羽草含春意滿庭除  
眼中幾許滄桑感早向朱門薄曳裾

建節津沽逼歲除一官叨竊廿年餘  
腰圍病後愁看帶燈味兒時憶讀書  
吠影不妨縱羣犬加餐惟盼到雙魚  
樓牀百尺吾家事豪氣而今總不如

二月六日焚寄淑卿夫人

作婦吾家計已非附棺猶是嫁時衣  
回思三十年前事

一盞殘燈照素幃

藥裹經年總浪投三生宿約片時休莫嗟紅粉成黃土  
夫婿而今也白頭

塵鞅勞勞祇自憐我羈人海爾昇天營齋營奠曾何補  
空費微之十萬錢

小別多時夢也無情絲難割淚難枯乞身儻遂歸來願  
準擬招魂泛五湖

得亭秋函意多不適作此慰藉

才地無雙品更高何來蜚語太喧囂門前有字堪題鳳  
籬外聞聲笑喉癸瓊報難酬青玉案曲終早薄鬱輪袍



平生已被浮名累，合向金閨讀反騷。

陳仲瑀司使遠饋雙鹿，放之藏海園中，戲而書此。  
賓筵無復奏笙簧，萃野呦呦祇自傷。  
投贈我先矜捷得，幽棲汝亦善韜藏。  
牌懸此日遊行樂，鋌走前番角逐忙。  
偕隱東歸如遂請，挽車煩爾共尋芳。

同氣同聲慰沈寥，養花時節養茸嬌。  
狡謀營窟輸羣兔，健翮窺籠惜老鵬。  
淡白生涯思野草，迷離夢境醒隍蕉。  
遼東早罷蓂貂貢，回首鄉關驛路遙。

繼友棠部郎以拙詩集成七截三十章郵寄，率成

四截寄答

綽約風懷宛轉思將詩摘句句成詩明堂清廟吾何敢  
塗改煩君彩筆持

尺錦才情不可量一經意匠便成章機絲欲奪天孫巧  
七字拈來勝七襄

慚余詩少幽燕氣知爾胸多磊落才飽到侏儒臣朔餒  
固應烈士壯心灰

人海茫茫藏一身子雲筆札未嫌貧五陵鎮日馳車馬  
敝帚千金祇自珍

藏海園晚眺

九十春光強半過紅情綠意漸消磨浮雲偶聚終成幻

舊雨能來已不多但覺檐前飛鐵馬難從棘裏訪銅駝  
夕陽斜照樓臺影太息空揮退日戈

春夜喜雨

雨點渾如漏點齊打窗聲碎碧瓊燈前留客開新釀  
枕上催詩觸舊題一夜小樓清籟永萬家春樹晚煙迷  
青鞵布襪隨身便準擬明朝踏輦泥

津門行贈姚芷澧部郎

拔劍斫地殊無端津門二月春風寒材官忽報故人至  
客邸俄頃愁腸寬與子論交歲在丙晉陽古寺恣盤桓  
如海王城最堪隱所喜心地無波瀾冷官一入紫薇省

惠文旋聳柱後冠讀書萬卷兼讀律不因鄒魯薄申韓  
邇來五洲競新學譯本盈尺任縱觀漢唐法律等芻狗  
君獨冥心追古歡銜命許充觀覽使行裝簇簇黃金  
鞍近畿四方推首善人才幾輩如軻丹採風下問燕民  
俗伊余竊位慚伐檀酒闌忽道庚辛事昆明劫火增悲  
歎銀河洗兵又十載我嗟蒲柳君芝蘭門外雪花大於  
掌特留鴻爪飛羽翰翦燈照見朱顏色努力青雲加飯  
餐

寒食與客遊園感舊

無雨無風客款門今年寒食易銷魂一春番信飛花片



萬里鄉心落酒尊  
敝簾塵凝黃竹淚  
殘碑字沒綠苔痕  
踏青舊日錫簫侶  
大半淪飄賸我存

清明日偕傅沅叔學使閱視女師範高等各學堂  
時正講授坡公致某公書言買田陽羨乞身歸老  
事感而賦此

宦迹仍萍梗  
村沽有杏花  
道旁人上塚  
天外客思家  
白日春將晚  
東風柳任斜  
清明好時節  
容易惜年華

陽羨誠堪羨  
坡公善致辭  
我將乞身去  
惜少買田資  
作聖基  
蒙養窺編問  
女師一聲鈴  
語寂知是散  
堂時

上巳藏海園修禊卽席賦詩

塵海堪藏老病身，鯖筵喜聚五侯賓。  
一池新漲初浮鴨，幾樹雜花解笑人。  
簫鼓縱非天寶日，壺觴猶是永和春。  
莫將修禊題襟節，錯認登高落帽辰。

客有來自京師  
中途落帽者

展修禊日再集幕府諸君子倒用前韻

騁懷遊目續芳辰，半爲留春半送春。  
蜨使重尋挑菜路，鸚哥又喚采蘭人。  
前塵風浴偕童冠，此會東南盡主賓。  
昨夜疏燈今夜月，莫教孤負醉吟身。

憶內用上已修禊韻

兩字加餐善保身，廿年眉案敬如賓。  
晨開珠箔延晴旭，夜擲金錢卜遠人。  
裂帛怕聽鄰院曲，看花不負故園春。

遙憐病後朱顏減行樂惟須及令辰

壽端午橋尙書

蜺旌虎節領諸侯綠野歸來尙黑頭  
春色飽看紅杏鬧閒身喜作赤松遊  
名希謝傅兼羊傅夢繞歐洲又美洲  
今日鶴飛歌一曲西山佳氣酒杯浮

南海戴文誠公靈櫬過津一尊祭奠綴之以詩

海內傳遺疏朝端失重臣不言温室樹  
遽作玉樓人翊費維新策馳驅盡瘁身  
買春燈事寂寥落上元辰

公薨於正

月十三日

婪尾開春宴羣賢聚洛中

甲辰會試借闈汴梁公充考官予知貢舉闈中極相契彈

指六年而科舉亦從此廢矣

麤官猶賸我愛士孰如公望古人求舊

銜哀 帝表忠臨歧一尊酒還與昔年同

園中卽景寄示亭秋兼問行期

紅紅白白放丁香一色蘋花閒海棠孔雀嗔人鸚鵡鬧  
遲君不至惜春光

三月二十四日憶穎女

曩歲儻非因藥誤他年應是授經人生朝酌汝尊中酒  
娘在錢塘爺在津

亭秋得閱余憂時陳情奏稿以詩電寄作此酬之

卽用其韻



祇有丹心未改常何曾醫國有奇方回文織錦憐蘇蕙  
攬轡澄清愧范滂棋局那堪無定著蘭修豈以不言芳  
救時書和憂時淚漫詡文章角馬揚

藏海園餞春晚興

循分猶堪效小忠未應咄咄但書空八方暑雨邗寒怨  
滿坐焦頭爛額功卜世須知周鼎重謀生何止阮途窮  
夜闌酒罷觀天色星影爭光月影隴

望遠難尋縮地方書來眠食可如常春風湖上逢仙侶

謂俞階  
青夫婦

秋色人間重晚香惜別催成新樂府于飛猶戀

舊家鄉出山泉水源流合清濁煩君一激揚

初月高高朗若眉相思千里客何爲逢場但博千觴醉  
扶廈誠非一木支滌盡塵心無夢想飽經世味合時宜  
莽公新制荆公法此案如山不可移

無計留春盍醉休夕陽明滅此登樓醪醑花事催番信  
楊柳風情動別愁生草池塘詩入夢隔簾燈火夜如秋  
分陰勉效陶公惜一刻千金價可酬

寄和王壬秋太史見寄再疊武昌留別韻

老筆紛披不可干盡驅屈宋入毫端湘樓結綺才難小  
石室傳經典不闕舊雨劇憐花市散春星曾共草堂看

甲申乙酉閒錦城之游  
時相過從如昨日事  
咸同老輩成新貴馬走知公笑

此官

經術文章結主知得天獨厚覆無私宋王講學何嫌

異黃綺出山未覺遲魯殿歸然天下望巫峯半是夢中

思公側室六雲君號通儒自有千秋業早晚徵書驛路

馳本年例舉碩學通儒鄙人曾以公名達部

投桃何意得瓊瑤佳句爭隨奉使輶公詩由吳子修學使寄到公府

勉徇王式意平生得御李君驕不妨人海成充隱已見

星沙息怒潮日前長沙飢民滋事家學青箱堪世守壓箱應有翰

林貂

棘裏銅駝感舊年津橋春老又聞鶡清談徐勉惟風月



醇酒曹參但醉眠殿柳宮花刪少作

往歲供職京曹曾擬漢宮春樂府寄

湘就正自經兵燹稿不復存

銀魚紫蠟入新篇時艱莫補吾滋愧準

擬西泠放釣船

和答逸真觀察

花木平泉劫後過橫行十萬劍空磨倦飛已覺浮雲幻  
慷慨還愁去日多校獵有人談射虎還鄉無女借明駝  
中宵逖聽雞聲惡待旦期君一枕戈

騁懷軒喜雨疊前韻

空濛煙水眼中過一鑑塘開似鏡磨雲擁千峯當檻出  
風飄萬點上樓多落花濺淚驚林鳥種樹關心喜橐駝



十丈銀河期倒挽，  
伫看瀛海洗瑯戈。

生朝將屆書寄杭州

齊眉甘載老鴻光，  
治讌生朝共一堂。  
作宦我猶嗟梗泛，  
貽書君又爲花忙。  
遙知老屋呼傳蠟，  
已戒行廚罷舉觴。  
霜鬢灰心希往哲，  
未堪重說少年場。

放船大沽遣興

導河忌直流，一瀉全歸海。  
試看丁字沽，七十二灣在。  
時會有變遷，水性百不改。  
我乘畫鷁行，入耳聞欸乃。  
轉柁借風力，飛旆奪霞彩。  
夾岸野人家，童叟當門待。  
不畏達官尊，似樂使君愷。  
何修竟得此，秉旄甫半載。  
曷我同舟。

侶利濟心勿怠

修政勝修船湘綺曾語我但爲尊俎計謀國殊太左軍  
中有韓范不及禁牧頗白面無深識炫燿軍荼火曲突  
鮮恩澤焦頭列上坐民力苦凋瘵秕糠豈堪簸長星宵  
斂銜天意將悔禍及時明政刑彼族心戢叵庚辛又十  
載重關啟鐵鎖幾人鴻毛擲幾輩馬革裹平生擊楫志  
身外惟一舸

晨風吹我去午潮送我歸來去都無心仰視浮雲飛雨  
過不留暑涼入短後衣船頭箕踞坐有若理釣磯白鹽  
堆成山地鹵草不肥紅煤不愛寶外溢權利微闖闖爭

逐末重農意已違  
礮壘付沙礫  
高颶巴黎旗設險  
無可守何以鞏  
皇畿國勢有強弱  
時論鮮是非  
縱觀中外事  
慷慨徒歔歔

憶昔丙申夏  
曾作津門游  
片帆下塘沽  
漁火如星稠  
老妻適南來  
相見大航頭  
嬌女牽爺衣  
刺刺語不休  
我亦大笑作此樂  
抵封侯  
忽忽十五稔  
一夢覺莊周  
存者病癯身  
逝者不可留  
昨讀孟光書  
庶春爲鴻謀  
穹官何足戀  
所戀主恩優  
此時復何時  
滄海嗟橫流  
曾李建高牙  
相業炳千秋  
曹隨恃蕭規  
醇酒銷百憂

初度日作示幕府諸君子三疊武昌留別韻

尤悔難捐愧祿干敢希才望繼清端

林君芝友貽詩有未須魚壳壽清端

句久經浩劫身還在起視長星夜欲闌生草時縈池上

夢愛花只合客中看十年旄節曾何補贏得頭銜似冷

官

錢穀刑名兩不知幹才偏受主恩私徒驚萊子斑衣

冷轉悔毛生捧檄遲細柳旌旗前度客

丙申五月隨榮文忠公津門閱

武適值四

十初度梅花玉笛去年思英雄髀肉銷磨易匹馬關

山詠載馳

昨赴大沽查勘礮臺舊壘

襟帶蕭閒屏玉瑤

是日不著衣冠不延客

鱸鄉風起滯歸輶加餐

深荷雙魚寄吠影空聞一犬驕塊壘易澆賢聖酒水心



不競去來潮家聲已愧公卿長七葉何堪珥漢貂

丹榴似火夏如年留得春光有杜鵑

園中石榴  
杜鵑盛開

走馬入

街張做夢陳書一榻孝先眠分陰勉運陶千甓尺錦難

酬李百篇寄語濟川諸俊傑如今黃海盛戈船

寄亭秋

壺觴今日又開筵君在錢塘我在燕西笑喜穿花四壁  
南飛還祝鶴千年夢中斑綵尋嬌女醉後長齋學老禪  
寄語齊眉賢德矐莫因望遠損餐眠

接亭秋函放舟西子湖大有買山之意作此遙寄

白公隄接岳祠邊湖裏風光洞裏天蒲酒一觴飛共醉

為君先辦買山錢

書箠寄贈權錦堂中書

婆娑風月靜塵氛一上南樓便識君安定分齋傳正學

鎬京奏鼓蔚人文郵行志豈忘千里商戰才堪張一軍

休道舍人官太冷家風蘊藉美前聞

史稱權文公昔官舍人蘊藉風流君

其勉之

遣興四疊武昌留別韻

傳聞優詔赦揚干大事朝中問呂端舊院新成鳴鳳記

內家爭罷鬪雞闌圖從鄭俠流民繪軍在條侯細柳看

聖主宵衣求碩學幾人空谷老王官

謂王湘綺太史

暮夜焚香懍四知祇談風月不談私昨非未必成今是  
拙速終須勝巧遲齒錄漸看同輩少口碑留與後人思  
元龍湖海平生志莫放堂堂白日馳

雞樅風味敵江瑤吾鄉雞樅菌風味甚鮮美回首鄉關萬里軺深巷

賣花春雨潤鐵局巷老屋每當雨後時聞賣花聲奇峯斂火夏雲驕貴陽西郭

外紫雲庵地極佳勝有奇峯雲火扁額余幼時曾賦詩兒時書味燈前影夜半鐘

聲寺裏潮六洞橋住屋夜聞潮音寺鐘聲興起就學寄語故山游釣侶敢拋

猿鶴戀蟬貂

雄關山海寄經年不信津橋有杜鵑齊案孟光椎髻隱

中宵越石枕戈眠重經東閣餘雙淚頃過吳楚公所乃十五年前隨侍榮



文忠師查辦津案止宿之地爲之腹痛

曾讀南華第二篇長日堪銷棋一局

局煙波還載米家船

院中蘭花盛開有九瓣者二枝十瓣者一枝較之

武昌節署七瓣八瓣尤爲馨郁且共聚一盆是可

異矣作詩張之並寄杭州

玉砌移來楚畹蘭對君銷夏勝銷寒風清香澤留華帳  
月照花枝繞曲欄禊事興懷曾紀歲方心約素轉成丹

賓筵待掃三三徑合與瓊花一例看

九瓣蘭

清似梅花瑞叶萸數符天地妙通靈色香如荷華陽賚  
湘澤都成楚國馨共溯心源宜畫水倍增身價憶升庭



珠圍未許窺全面錯認窗前聚五星

十瓣蘭

再詠十瓣蘭

賦才黃九單寒甚駢福還須儷體文膏澤濃於眉上畫  
琴音全向指中聞竹林結契增三友寶鼎薰香遜一分  
留飲平原銷永日新詩聯錦挹清芬

亭秋生日書扇馳寄

一葉祥徵九瓣蘭楚騷親寫上齊紈  
繇心緒殷懃寄莫作尋常畫本看

幾生修到比梅花竹報平安个个斜  
昨夜酒闌燈事寂綺窗清夢客還家

聞說秋來趁晚潮盈盈一水恰填橋百年佳會雙星在  
太息庭前失謝嬌

別來花信廿番春珍重眠餐病後身爲奏鶴南飛一曲  
畫眉人是介眉人

再寄亭秋卽促來津

一葉翻萸朔荷天快舉卮蟠桃王母貢香草美人思舞  
綵花間蜨怡情扇底詩壺漿燕士女悵望錦帆遲

抽簪苦無計藏海寄行窠樓迴梯雲上塘開鏡月磨眠  
遲思夢草起早爲看荷唾綠亭中坐期君載酒過

夏夜藏海園納涼有懷亞蘧太史卽用其梁格莊

值班詩韻並以索和

莎綠裙腰一色鋪晚涼休放月華徂隨攜謝眺驚人句  
來試蘇髯調水符乍聽鯨鏗知寺遠尙留鶴夢到山孤  
西園翰墨西臺草才調如君近世無

冰簟龍文八尺鋪水晶簾外暑全徂朝班猶點唐青瑣

火德如銷漢赤符易州風蕭水寒雅宜過夏見說王前矜士貴不堪

曙在失星孤舉杯西望邀明月有客還思有酒無

再示幕府諸君子五疊武昌留別韻

寰海無波喜戢干近光若在五雲端長天松健鶴同健

永夜星闌酒不闌吳郡曾留團扇畫荊州如借異書看

十年三輔遺黎在掌鑰重來愧漢官

朝菌難將晦朔知鳴蛙誰與判官私李牛黨籍融恩怨

枚馬文章有速遲再起東山安石望平居故國少陵思

題橋未是還鄉志莫羨高車駟馬馳

御鉢親頒內府瑤

翠華曾此駐仙軺

津郡海光寺純廟曾經巡幸

賜玉鉢一具外鑄佛像七尊親制內用泥金寫多心經庚子之亂幸得保存

御讚一亭如戴三

山重七佛堪平九國驕人事幾回陵谷感海光依舊暮

朝潮儒臣賡和明良盛才遜張梁敢續貂

純廟登榆關澄海樓觀

海曾召張文敏照梁文定詩正仿歐公禁體聯句勒碑紀事碑石尙完好現恭弄藏海園中

先朝恩誼中興年無計攀龍但哭鵑一代人才看駿骨



萬家生意付蠶眠

時正勸津民飼蠶種桑

鵬成賈誼傷時賦鴛鴦

荀卿勸學篇入幕蓮增王儉色花開玉井藕如船

園中蓮花

盛開

### 海光寺玉鉢歌

鉢為乾隆內府珍物舊存寺中百年以來歷經  
世變幸仍完好感時撫事因繫以詩工拙非所  
計也

海光寺僧殷獻佛發篋示我先朝物蒼玉為質金縷

成光曜燭天氣盤鬱一鉢中造七佛形低眉趺坐誠通

靈長伴木魚依法護好教鸚鵡誦心經  
鉢內書多心經外鐫古佛七尊

有御讚文

御讚鴻文猶可考大書乾隆丙午造留藏蘭

若不記年六祖傳燈茲永寶百年依舊啟琳琅曾見麻

姑話海桑肯授靈書銜赤雀不隨劫火換紅羊 純皇

中葉當全盛江海無波 翠華幸輕鐘立墓喜留題玉

帶金山供嘯詠此鉢應隨東南巡扈蹕還先侍從臣

君王欲仿柏梁體一擊催詩字字新况復津郡 帝肱

股樓船十萬雄三輔北門鎖鑰寄非輕東序球圖頌自

古槃血初寒海上盟法物幸不眠棘荆名王本是桑門

種手挽銀潢淨洗兵民教交訂百不備甌名使相慙清

議此時供養有香花閉門不預老僧事回首紅燈十載

前津橋風雨但唳鶻重輕欲問周朝鼎呵護還同漢殿  
輒鉢若有知合隕涕一代興衰爾關繫時平科第喜衣  
傳世亂塵沙愁瓦棄猶留寶器鎮山門同戴先皇賜  
予恩歷盡百千萬億劫款題完好沒燒痕我今作牧幽  
燕地執壁秉圭荷殊遇夕陽下馬款禪關老眼摩挲不  
能去生佛何曾庇萬家錫飛杯度尙天涯不堪玉盃初  
明恨忍向荒臺說雨花七朝傳鼎如傳鉢玉斧河山莽  
寥闊宮中老佛壽萬年微笑拈花大解脫澄海樓前  
起暮潮紫竹林又曉鐘敲置身肯作沿門托香火年年

祝 聖朝

和答徐花農閣學同年

十丈黃塵寄此身卅年飽看  
鳳城春孤山嘯傲林和  
靖鑑曲疏狂賀季真綠酒惟應千日醉白頭喜共一燈  
親落花異代逢知己文沈而還韻事新

一夜東風損玉蕤花飛猶戀  
上林枝人憐蘇軾春婆  
夢我愛韓翃才子詞玉竦金黿頻悵望白衣蒼狗太離  
奇尋芳重過斜街市又見  
天家雨露滋

臣心如水誓黃流晉用材先杞梓收南海珠投鮫有淚  
西山簾捲鸚凌秋裊中書富詩千首襟上痕留酒一甌  
怪事古今堪比例書空咄咄發吟謳



舊侶晨星已不多  
懷人昨夜雨滂沱  
尖叉險韻挑燈續  
旖旎芳韶載酒過  
注籍年均非少壯  
忘機氣已得中和  
談兵論事看霜鬢  
強起因君一嘯歌

催租應少吏  
敲門隨意栽花自灌園  
五柳名希陶靖節  
九仙骨似李長源  
詞臣蔚國八甄影  
相業傳家七葉恩  
結習未忘聊一笑  
詩書夙好本來敦

貽我新詩抵玉璫  
賞春吟是反離騷

君有反落花詩  
賞春吟一卷

金

蓮舊夢人歸院  
析木清輝月傍霄  
海上魚龍正鼾睡  
朝中牛李費和調  
盟心幸不殊蘿袞  
藏海棲遲學避囂

憶內

酒夢襟痕客憶杭一封書到九回腸花時蘭藥曾爲瑞  
別後眠餐總遜常遲我看山朝拄笏爲君禱病夜焚香  
梁鴻何日依吳廡春賃年來累孟光

懷紋女用香山念金鑾子詩韻

生人至不幸墮地卽爲女何況生有涯鞠育感摩撫平  
生利濟懷萬物思得所弱息竟不留此鬱向誰語人間  
骨肉少地下祖孫聚明知生是幻解脫一切苦茹痛別  
汴州彈指六寒暑思兒夢不成作書告兒母

未夏日何長一刻如一旬客邸難爲歡經冬又歷春兒  
幸早歸骨我猶未抽身遺篋不忍啟遺容猶可親今朝

恒化日令我增酸辛寂寂津門道悠悠薄宦人

香山強作達難遣失金鑾我與香山較同病復何言茫  
茫四顧窄仰天天不憐猶憶危城中傍母話燈前更憶  
淮浦別緊把爺衣牽少天老徒存此恨永年年

荷花生日幕府諸君子招飲嫋嫋精舍卽席賦贈

侵階細草碧成茵雨後林塘點綴新生日荷花將進酒

秋風蒹葭未歸人

席間談西湖蒹葭風味絕勝

疏簾燈火尊前影滿

地滄桑劫後身勉與諸君拚一醉南陽畫諾例堪循

題花農同年北窗夢月圖

君身似明月忽遭纖雲掩塵翳有時集光輝弗能滅北

窗卧羲皇一枕冰  
文簟清夢落廣寒  
裊底天香染悟澈  
盈虧理何有哀樂  
感津門譙鼓沈一鉤  
新月斂對月正  
思君因風折菡萏  
遙知夢醒時  
滿身清露點  
回憶夢熟  
候高寒  
濯詩膽  
作此寄徐勉  
今夕微雲澹

寄和花農

飲罷荷花生日酒  
新詩又向畫圖探  
書煩遠道雙魚寄  
人比汪波萬象涵  
落月梁間顏共照  
聚星堂上興方酣  
青鞵踏徧塵紅輦  
可憶看梅過嶺南

百年喬木世家存  
落葉狂花賦小園  
劉井科名蜚翰苑  
俞樓風月重師門  
新絃按譜難爲曲  
舊酒題襟尙有痕



底事浮雲輕富貴仰天一笑復何言

回黃轉綠意何如野鶴閒雲任卷舒  
仲舉曾留徐穉榻子長有報少卿書  
三更畫舫花穿後一色長天雁到初  
門榜翟公殊未達幾人悟澈理盈虛

畫屏銀燭釀秋光苔徑螢飛影入囊  
五夜鄉心莼菜夢一池清趣芰荷香  
南樓今月應如昨東海高風合望洋  
才地輸君三十里藏園容我一身藏

再和花農

又寄詩筒到北平淵淵擲地有金聲  
才從鳳閣迴翔久味是蜂房醞釀成  
邀月未應千里隔望風早息百家鳴

獨嫌難入時人眼適口而今薄太羹

曾向西風夜倚闌巷居莫作懶眠看

君居懶眠胡同

鄉心江上

雲千疊夢景天邊月一盤馬廐幾經東閣感蟾宮不隔

北窗寒

屬題北窗夢月圖

梧桐葉落涼通枕喜有江花繞筆端

花鳥怡園寄賞心錦屏開處錦堂深文章金翠題春在

屬題怡園雀屏圖春在先生詩有故舒金翠鬪文章之句世胄簪纓寄越吟臺閣竟

符中瑞兆

宋武帝以孔雀為中瑞

羽毛肯受俗塵侵期君振刷酬

知遇重踏瓊枝入上林

盪胸笑我共雲浮七二丁沽總上流在昔濟川思作楫

祇今澄海尚名樓鶯花夷館成新市燈火官橋感舊游

泉石何妨稱小隱報書寫就發清謳

三和花農

好句穿珠雁帶來徐陵豔體信多才光依北闕三辰  
近夢繞西湖一鑑開松月涼生紈扇裏荷風香到酒杯  
纔知君刻燭成高詠筆底江花不待催

脫略衣冠便是仙卽論書畫已堪傳雲煙落紙摩張旭  
山水生綃學巨然世澤故家喬木蔭師承春在落花篇  
雀屏題徧怡園景彷彿驚鴻顧影翩

西風入幙夜窗虛今夕清談月上初有子眞如不羈馬  
此翁補讀未燒書豪情北海人懷孔祖餞東門客笑疏

君解官後僑居京邸未曾回籍

十丈輭紅塵市裏孤標落落有誰如

迢遞郵籤互唱酬南州一榻爲君留夕陽鴉背拖殘暑  
落葉蟬聲報早秋乘興子猷曾入剡思歸王粲怕登樓  
卅年同隸開元榜回首蟾宮話昔游

寄周調之保定卽用其見懷韻

津保計程三百里經旬小別似經年浮雲薄薄難爲蓋  
新月高高已上弦此榻久虛留客下知君原不受人憐  
詩情未隔秋河漢滿紙清風俗慮捐

窗前喜鬪徐陵韻又讀瓊章捲幔紗織錦乞分七夕巧  
愛蓮先看一池花科名往日高攀桂治譜清風美拔茶



衣帶盈盈來去便，  
嫋嫋初不隔天涯。

潤甫同年有事津門，  
忽忽旋京，函寄己酉昌平紀。

遊詩鈔卽用集中訪楊直刺敘五詩韻奉酬一首。

十年舊夢真同幻，  
一日生芻往復回。

君來津弔春農觀察之喪設榻

竟無高士下投詩，  
如見故人來。明知菊圃香逾淡，  
莫道

柴扉扣不開，  
交臂與君留。後約相逢相值且，  
銜杯

用唐人句

### 和答花農

藏海堪藏拙，  
敲詩又一回。鯨魚難跋扈，  
猿鳥漫驚猜。時  
有好風至，  
如借舊雨來。催租敗清興，  
臨發幾遲徊。

茶飲助詩清，  
高齋夜數更。花增雙管色，  
月共一燈明。冷

眼觀時局浮雲悟宦情吾衰君亦老投分話三生

大好怡園樂當軒敞雀屏鴻齊悲舉案

夫人早逝

鯉對喜趨

庭辭闕冠容挂看山屐不停落花和文沈光彩發瓏玲  
卅年飽芻豆駑馬倦長途有夢聽金鑰無才賦火珠朔  
南蹤殆徧湖海氣嫌麤問訊酬親友冰心在玉壺

### 示花農

泉水悠悠清笑濁原田每每舊謀新耽吟君具唐賢體  
求治吾慚漢吏循

而今宿學凋零甚金布條條合甲新何怪楊朱泣歧路  
幾人轍守與途循

娜嬛夜半速賓從紅燭當筵酒令新記否可憐歌一曲  
催詩擊鉢莫因循

北窗一枕羲皇夢不管長安棋局新竹徑偶因佳客掃  
蘭陔還望後人循

和亭秋

長天一色雁來賓秋水文章若有神昨夜月明今日雨  
情思幸不隔關津

寫家書就口占卻寄

聞道遷喬已有期浮家喜不寄人籬纏緜深荷貽蘇錦

恍惚翻憐讀楚辭

來函云近日  
情思恍惚

一水當門堪洗耳百年

舉案暫舒眉煩君薄笨先料理挽鹿看山好和詩

題花農夢草圖

是真還是夢碧色草離離莫嘆春歸去秋來玉露滋白  
雲高士榻黃絹外孫辭絕好徐陵筆珊瑚架一枝

寄和亭秋

門對橫橋雁齒新偕園寄到數枝春侵階草色濃於染

一道裙腰坐綠茵

移花

銀漢無聲暮靄青誰家兒女拜中庭年年乞與人間巧

天上機絲總不停

七夕

初月如弓挂九霄隔君千里望非遙銀鬢玉臂深宵夢



佳句貽瓊愧報瑤

感懷

檐前鐵馬響東丁  
憔悴西風睡易醒  
錦字頻煩秋雁寄  
好傳吉語到蘇甯

病感

和花農見懷之作

徐子多才兼多情  
曾在金鰲背上行  
老去壯心猶未已  
兒時頭角何崢嶸  
拾取科名如拾芥  
春榜鴻唱秋鹿鳴  
天子私人作供奉  
禁中頗牧夙知兵  
三晉掄才誓  
汾水五羊校士聽  
蠶聲共羨鄴侯稱  
內相不同嚴助厭  
承明才名同輩盡  
低首飛花佳句滿  
春城良驥千里忽  
一蹶濁流幾溷清  
流清回望三島在  
天上眼底頃刻風

林書堂言金  
卷八  
三  
濤生君也埋頭不措意案前但見一經橫昨日貽我感  
事什五言字字等瑤瓊今朝詩來更佳絕七言古體聲  
琤琤君善作歌我載賡仰天大笑浮雲輕既不願酌穆  
生醴亦不願調侯鯖羹願賦落花春常在莫嗟衰柳秋  
先零人夜西窗風雨急苦吟撚斷鬚幾莖不識燕市輓  
紅裏知音有無高與荆勞勞人海幾翻覆祇有西山未  
改青懶眠巷居又十載故山不歸猿鳥驚杜顥恐貽青  
蓮笑謝墩休被荆公爭鶴樓已殞崔句擊樓下笛聲有  
人聽何當坐我南州榻清淺與子談蓬瀛

題花農芍藥畫冊

四時皆成春此花匪凡卉錫爾金帶名莫浪說婪尾寄  
語園主人盛筵日醉幾

題花農畫冊

逢三花市人如織誰向高齋假顏色多君有花不自祕  
一夜費煞東風力傳箋飛毳畫欄中主賓竹箭皆南東  
不共花間一席醉芳時已過惜落紅

題徐友梅觀察徐園第二圖長卷

曲曲迴廊短短橋更添新翠上牆腰此中自有高人榻  
不待陳蕃折簡招

移花補竹日巡檐占領名園未是廉理罷官書理琴索

何妨吏隱一身兼

題友梅荷蕉雙瑞圖冊子

千絲碧藕玲瓏挽一卷芭蕉展轉心  
誦罷梅村好詩句  
爲君雙瑞發清吟

以詩寄杭州

一椽蔽雨費經營  
草草移居又遠行  
料得橫河橋畔路  
鶯聲聽罷聽驪聲

題俞廩軒侍郎卧遊圖

我今倦遊吟興懶  
鏡水稽山不挂眼  
君侯好遊兼好詩  
千里鄉心筆一枝  
壯年宦迹半天下  
老去難騎少游馬



昨來謁 帝明光宮定律轉漕資蕭公示我一幅鵝溪  
絹如在山陰道上逢矧復詩中有畫意摩詰輞川差足  
擬家山如此不曾歸四海蒼生望吾子

懷漁溪同年卽步良格莊值班遣興韻

西風行殿幕成圍製電難馳八駿歸掖省昔隨仙仗入  
橋陵今有夢魂飛一門貂珥恩尤渥廿載烏私願未  
違貽我詩篇兼畫意青山紅樹挂斜暉

漁溪函示枕上口占一律意多抑騷作此廣之卽  
步其韻

機中燈火夢新涼月滿紗窗書滿牀鴻案百年成小別

鵲橋一水界中央  
筆痕黯淡愁眉嫵  
心事纏絲有瓣香  
何怪神傷荀奉倩  
授衣難遣九秋霜

和答闕安甫同年

中年絕塞劍曾攜  
綺歲名高雁塔題  
誰識翰林身價貴  
講筵親侍大庖西

婆婆歲月主恩深  
依斗常懸捧日心  
神武挂冠歸計  
早未須澤畔苦行吟

詞臣秉鉞遇尤奇  
可憶春風得意時  
絳灌文兼隨陸武  
朝來射獵夜吟詩

斜街花市月逢三  
知共徐陵走馬看  
笑我一官太羈絆

津沽回首望長安

老去悲秋轉憶春  
雨餘官鼓更清新  
戟門鎮日閒無事  
雲海相望寄此身

藏海園遣興仍用安甫韻

屨廊信步一筇攜  
剔蘚捫碑訪御題  
睡綠亭中偶延  
伫不妨坐到日斜西

蘭葉亭亭露氣深  
莫將秋意損春心  
屈騷宋豔吾何有  
閒拂雲牋和越吟

曲池清淺石清奇  
正是秋風落葉時  
卓午放衙官鼓靜  
簾前鸚鵡又催詩

樓開四面徑開三惜少西山拄笏看回憶耦園風日美  
家書昨夜報平安

杖頭先買玉壺春不管雲煙過眼新藏海園林深似海  
箇中容得苦吟身

和潤甫同年中秋見懷二首

廣寒未譜霓裳曲余中秋無詩忽誦佳章眼界寬卻喜地鄰

天尺五最難人共月團樂名場易散楸枰局我輩休忘  
苜蓿盤容易一年秋過半相思倚徧畫闌干

不見高人何水部柴扉深鎖靜南寬君寓居南寬街閒攜舊雨

尋花市獨對西風憶木藥往歲八月巡河駐武陟木藥店有詩題壁何日鯖



筵陪杖履有時狼藉到杯盤吟秋若問津門事銀海無  
波載戢干

卽事

老去難將盛業鋪請纓空慨歲華徂傳聞卻敵燭之武  
不見乞師孫伯符獨客仰天看星斗幾人平地到公孤  
紙窗一夜西風疾九月衣裳已到無

和寄陳仲恂觀察江南

江南瘴癘苦思君蕭瑟秋心庾信文六代贖山還贖水  
一門交紀又交羣講臺花下飄紅雨親舍天邊望白雲  
王謝翩翩佳子弟風流何止屐兼裙

與亭秋夜話時甫至津

相逢疑是夢中身，翦燭深宵意倍親。  
蜃氣厭看瀛海市，鷁舟先艤漢江濱。  
登高莫負題餽節，舞綵空悲詠絮人。  
記否雲軒初嫁日，忽忽二十二番春。  
君戊子九月初二  
來歸本日到津適  
逢九月初二可謂巧合  
然已二十二年華矣

再成一首

打疊征衣九月寒，郵程迢遞報平安。  
秋期待就重陽菊，喜氣先徵並蒂蘭。  
院中並蒂  
蘭盛開未減別時眉黛，  
嫵劇憐病後帶圍寬。  
神京拱衛無補出，處煩君叩兩端。

和答徐芷升觀察兼示幕府諸君子

昇平酬答望諸君書記翩翩善屬文  
霸業江東獅獨步風塵冀北馬空羣  
功名未可輕匡鼎筆札由來重子雲  
晨治官書宵刻燭清秋幕府醉題裙

重九偕亭秋登紅樓遠眺

老去登臨興尙豪紅樓地接五雲高  
最難佳日無風雨獨對清秋感鬢毛  
三徑未歸慚就菊一年容易又題糕  
客中遊客成吾懶翻累金闈送酒勞

和亭秋

楊柳蘇隄動客旌郵筒迢遞數征程  
不勞竹馬臨官渡自有青山管送迎

歇浦經過又白門江南黃葉自成村皖公山色彭郎浦  
都是飛鴻指爪痕

芊絲草色綠如茵客裏深秋似暮春行過潯陽江上路  
琵琶依舊管絃新

梳檣織月一鉤新靜夜敲詩若有神嬌女夢中堪作伴  
雲車風馬往來頻

小立紅樓雨乍晴盈盈一水隔滄瀛偕園花鳥如招我  
挽鹿偕君自在行

簿書填委坐宵分城闕青衿聚訟紛十載外臺吾亦懶  
宦情薄薄似秋雲



湖海豪情已漸銷  
小窗兀坐一燈挑  
重重舊夢重重憶  
可奈鄉關萬里遙

驂鸞秦女入雲霄  
青鳥殷勤信已遙  
眉案縱營吳下廡  
相看相對總無聊

題花農瑤花問答圖

花落花無言  
花開花解語  
惜花人是詠花人  
把酒對花紅如雨  
廿番花信東風癡  
花心祇有老鶴知  
徐郎愛花兼愛鶴  
百花香裏鶴來時

秋夜憶紋女與亭秋聯句

秋晚意如何

筱石

思兒悲放歌  
雲鬟空想像

亭秋

玉貌

費揣摩

新倩畫師  
為女寫照

伴膝生前渺

筱石

趨庭夢裏多春申

江上渡

亭秋

隱約步凌波

筱石

六年成小別

亭秋

風月總關懷菊影搖珠箔

筱石

苔痕

冷玉階白鷗盟宛轉

亭秋

青鳥信安排遺篋分明在

筱

石傷心紫玉釵

亭秋

欲慰庭幃意

筱石

攜來兩襲香桂樓曾舞綵

亭秋

瓊島

罷飛觴憶汝懷中月

筱石

憐余鬢上霜寒衣誰料理

亭

秋刀尺費商量

筱石

甫賞重陽節

亭秋

登高意惘然浮生如泡電

筱石

過眼

總雲煙多病身難健

亭秋

含真蹟已仙茫茫無限恨

筱

石搔首問青天

亭秋

題花農三似吟詞

筆中花現夢中身  
五色江郎挽底春  
舊是玉皇香案吏  
聖湖一角未歸人

功名縱遜中書考  
廿四還如表聖評

詩凡廿四首

審識詩人

風雅意九天咳唾一時生

談經奪席重師承  
授鉢傳燈老尙能  
白髮曲園詩弟子  
珊瑚架筆數徐陵

三似吟堪藝苑傳  
無題秋興並遊仙  
寒蟲未敢嘲飢鳳  
前有千秋後萬年

和安甫九日天甯寺登高韻卽以奉懷

荷池清夢到羲皇又插茱萸召舉觴一紙書如逢舊雨  
七層塔已挂斜陽狂來拄笏山橫翠病起看花菊有黃  
落帽未妨賓盡醉人情一飽感翳桑

棘闈同踏戰無譁隔巷垂楊共兩家  
往官京師與君寓一巷之隔湖

海豪情吾已懶笙簧賓讌爾惟嘉劫餘重訪空王宅晚

遇休嫌老圃花惆悵女牆今夜月荒城縹緲落秋筇  
津郡

庚子兵燹後城隍全圮非復舊觀

### 大明洪武通行寶鈔歌

鈔用夾層紙製成色黓徑約工部尺一尺二寸



寬七寸餘上方刊壹貫二字下方刊戶部奏准  
印造等字邊際四圍作龍文篆印泥完好正面  
上印文曰大明寶鈔之印下曰寶鈔提舉司印  
背面印文曰印造寶鈔處印並有壹貫二字洪  
武距今五百餘載不知何以尙存幕客陳公穆  
觀察得之琉璃廠肆出以見貽感時撫事因作  
此詩

元末困窮國維弛鳳陽匹夫作天子張陳破產供驅除  
徐常列爵賜金紫富有四海爲一家陳紅貫朽資豪奢  
想見大明全盛日瓊枝璧月江南花洪武寶鈔當時重

製仿交子沿南宋區區一紙至今存五百年來幾摩弄  
司農算緡奏通行南通滇粵西益秦泉貨儼符白水識  
紙價奚止洛陽騰孝陵風雨咽松柏燕山宮殿銅山竭  
可憐玉盃落人間斷送紙錢宮監泣從此金陵王氣銷  
何論黃標與紫標賣官鬻爵無不有墨敕斜封半珥貂  
流寇公然破天網思陵籌兵苦無餉百呼戚里不一鷹  
翡翠明珠付榛莽鏤文完好印泥新惜哉不療兒孫貧  
時來尺楮人爭貴運去兼金世豈珍松杏河山一旦改  
徒留萬選身價在夕陽憑弔三十陵麥飯誰將一錢買  
我閱此鈔起暮愁如今官府因誅求焉得寶此千萬貫

家家爭拜富民侯

喜保久山觀察九江

歃血燕山憶舊盟承平十載又逢庚

往者庚子和議與久山尊人春舫京

卿曾預其事

羣誇門蔭雙旌貴不斷江流九派迎鎖鑰津沽

慚重寄琵琶溢浦換新聲故人有子重泉喜觸我黃墟  
感逝情

十月二日焚寄蓮漪夫人

一官累我尙栖皇澆酒臨風忍舉觴漫說三生在兜率

不堪十賚損華陽

甲申就姻成都

聘錢曾諒寒家素眞誥空焚

內府黃銜

命西行仍返馭梅龕難問手栽桑

往在成都植桑

於梅 龕

千門走馬笑言譁豈料漂搖感室家  
丙戌捷南宮旋聞夫人惡耗此

日傷神悲奉倩昔年上計悔秦嘉  
病來愁檢囊中藥老

去慵看霧裏花二十五絃彈不得  
怛化已二十五年惟將錦瑟

和哀筵

憶昌紋疊前韻

摧折桐花么鳳皇瑤池清夢晉霞觴  
落梅風韻工三弄

刺繡光陰感一陽尙憶臨池染毫素  
最憐對鏡貼花黃

六年羽化成彈指已見麻姑海上桑

鳳城燈火鬧喧譁骨肉無多客裏家  
修到幾生兼福慧



羣推四德美柔嘉每逢至日愁添綫未動秋風惜落花

女沒於六月  
尙未立秋今夜謝庭懷詠絮聲聲殘漏和清笳

題仲瑀司使山水畫冊

纔拋塵牘便看山心在孤煙落照間回首白雲親舍近  
倦飛一鳥暫時還

夏荷春柳雜秋梧幅幅溪山好畫圖前席新承宣室問  
未應高卧夢江湖

不寐感賦

宵深寒透枕邊戈筆禿無花尙墨磨但覺酒尊空北海  
莫將詩案罪東坡潢池盜弄魚游釜門館人稀鳥避羅

强起看天天亦醉睡鄉無夢到南柯

和答逸真觀察

藏海藏身祇自嘲幽棲如到孟城坳人情變幻雲迷岫  
歲事綏豐雪滿郊豈有新妝爭粉黛不堪舊曲審金匏  
何當補就天邊石渾噩高風樂有巢

冬夜有懷作示幕客疊前韻

齊物蒙莊當解嘲芥舟杯水尙堂坳高懷雅量輸公瑾  
苦語寒號學孟郊入夢無花生筆管同音有罄和笙匏  
徹桑早厖漂搖計未雨綢繆願結巢

卽事和亭秋韻

雪壓雕檐月款門琉璃榻子護花魂茶斟寶盃團龍細  
香爇熏鑪睡鴨溫九日還來人漸老一聲歸去鳥能言  
潮頭夜漲寒通枕如聽橫河打浪喧

冬夜書懷疊前韻

曾牽黃犬上東門別後應銷客裏魂渭北懷人吟杜甫  
漢南種柳感桓溫豺狼在邑將安往鸚鵡窺簾不敢言  
老去一燈還作伴舊書可讀覺聲喧

遣興再疊前韻

鴨鑪香燼掩重門捲幔推窗捉月魂對酒人成三影李  
催詩才謝八叉溫旁觀易爛樵柯局苦口先儲藥石言

木言堂言金 卷八  
一劍中宵慵起舞雞聲寂寂柝聲墮

和亭秋

南華秋水讀蒙莊金谷還思醉羽觴樂事花朝兼月夕  
隨身劍鋏與琴囊兩朝高厚吾滋愧十載艱難汝備嘗  
酬唱綺蘭添韻事詩成七步繞迴廊

示幕客疊前韻

尺五畿南舊 賜莊小園曲水引流觴一官傳舍頻移  
節四海激波喜括囊從古禁中需頗牧祇今門下重原  
嘗南陽籌策資公等坐嘯無妨夜倚廊

答亭秋兼憶紋女再疊前韻



驛路通賓有鄭莊北來不負菊花觴

亭秋乘專車來津  
適在重陽節前

廿年早結神仙佩三黨羣推女智囊柳絮吟懷難自遣  
菜根滋味喜同嘗不緣衰病心情減一日腸迴九曲廊

閱沅叔學使避暑山莊歌感賦三疊前韻

銷夏天開避暑莊九霞曾晉萬年觴朝班肅肅聯青瑣

獮狩忽忽警赤囊原廟衣冠斜照冷故宮禾黍野炊

嘗一作弓劍永藏  
恨茶湯親賜侍臣嘗先帝祇今嗚咽灤河水響答霜鐘

繞廡廊

夜登北臺有感疊不寐感賦韻

中年提劍幼提戈老去圭稜強半磨竭命未應同玉局

木香堂詩金 卷八  
鷓班曾許上金坡  
愁心夜月寒生角  
宦興秋雲薄翦羅  
獨立北臺數星斗  
南飛鵲已集庭柯

和答夢華同年

新詩盟誦喜茶鋪  
歲晚驚寒暑已徂  
南浦有情縈別恨  
北塘無警罷軍符  
未容躡屐探靈隱  
卻羨收帆下小孤  
寄語白田老居士  
可曾抱子識之無

長至後二日與亭秋夜話聯句

客裏逢長至

筱石

春先啟一陽節  
因添綫重

亭秋

人爲

惜花忙太瘦  
嫌裘薄

筱石

無眠覺漏長  
寒鴉衝積雪

亭

秋

征雁怯嚴霜  
野菊留佳色

筱石

官梅發古香  
挑燈情

脈脈亭秋擊鉢韻琅琅竈鴨煙初燼筱石明蟾夜未央

懷人公路浦亭秋思女右台莊海上風濤烈筱石

閨中簫笛揚明年歸計早亭秋片舸渡錢塘筱石

與逸真蕃室晴初小舟聯句詠西瓜子用東坡長

至日贈安節韻

芸瓜亦有秋落實歡今日筱石冰飲時見心茗談資促

膝小舟熱蠲鄭棨煩渴愈相如疾瓣玉初剖雙餅金可

分一蕃室仁香已入盤藤蔓猶延壁筱石卍字排雛鬢

勝操戰兒姪蕃室核鑽殊李桃味美壓榛栗逸真遊戲

亦為燈礪牙堪比石晴初邵陵種既佳哈密貢方畢逸

木言堂言金 卷八  
眞 賦慶衍縣縣天漿祈一滴 筱石

寄答潤甫長至見懷

十年峻望總烏臺眼底滄桑又一回  
卻掃知君珍傲帚圍鑪笑我撥殘灰  
藥扶衰病愁方誤詩待推敲禁鉢催  
不共唐花鬪顏色孤標落落廣平梅

十一月二十九日焚寄昌紋

天上汝應開夜讌人間我尙戀麤官  
十行書札無從寄相見時難退亦難

父愁似草芟難盡母瘦如柴病不輕  
汝縱長生親已老神仙况復是虛名



題吳子鼎大令竹洲淚點圖

門蔭延陵舊艱辛話竹洲未亡心半死茹痛淚雙流  
機錦千絲恨書燈五夜愁鰥生亦孤露雲白空悠悠

和答安甫同年消寒二首

尺五園鄰闔苑東寒消九九素心同豪情廣坐看浮白  
舊夢斜街踏輦紅久別思君愁月落不才笑我太冬烘  
一陽生後春來早次第花番數信風

濁世生涯付酒杯風情近日減方回未忘鄉味千頭橘  
復見天心數點梅在昔鴻名滿戈壁祇今駿價重金臺  
留侯智略河汾策高會應多將相才

兼謂張振卿總  
憲王爵生侍郎

和答龔省吾觀察武昌

脫卻朝衫自在閒  
宦途風味已全刪  
諸孫繞膝甯非福  
萬事於心總不關  
白髮譚經人未老  
青雲倦羽鳥知還  
多公獨有千秋業  
眾口刊碑徧皖山

遣興寄省吾觀察

買宅休嫌近半閒  
聖湖游興未曾刪  
地無可避思浮艇  
心不能禪學閉關  
絲竹陶情中歲感  
枌榆回首幾人還  
在山本是清泉水  
濁比黃流誤出山

和答汲侯病中遣興

扶病猶堪坐菊叢  
香留晚節養疏慵  
畫簾隱隱春光漏

官鼓瑟瑟臘意濃我輩綠醅須縱飲  
幾人墨敕誤斜封  
菜鑪茶竈多珍重莫使朱顏減舊容

寄琴初觀察

蓮池一水正當門洗濯冰心印月魂  
六法書名義與獻  
兩家詩派李兼溫似聞賈誼空悲憤  
早識君房妙語言  
回憶玉堂清要地鴻臚親聽五聲喧

程忠烈公遺像題詞

紅旗十丈金閭復東南破賊如破竹  
衝鋒陷陣蓋有神  
十萬豕狼不敢突李侯善將公善兵  
指揮若定山嶽驚  
一將功成八王死姑蘇城是受降城  
嘉興血戰歸骨早

報國公竟塗肝腦刁斗霜寒光弼營靈燾雲捲倫敦

島公沒後洋將戈登以公手製旗幟遠寄倫敦沙場醉卧幾人還齋志恨未

窺倭韓鴨江水綠士氣墨回思道濟涕洟瀾平壤一役李文忠曾

語人曰程忠烈若在何至有今日之敗我昔姑胥秉旄節曾款崇祠弔毅

魄三吳士女慶更生香火年年神來格千秋遺像付獅

兒展圖虔拜褒鄂姿納降殺降英雄膽想見橫刀躍馬

時

雪後藏海園憶女聯句

雪後園林淨掃塵筱石尋梅忘卻病中身紅樓日近晴

光灩亭秋碧沼冰融冷意馴合坐一尊澆塊壘筱石昨



宵六出滿郊闡右台回首增惆悵亭秋不見庭前詠絮

人筱石

和安甫消寒二集韻時津門雪深沒脛頗動歲晚

天寒之感

粉本乾坤一草廬藐然中處學橫渠茶烹丹鼎香初熟  
書對青燈味有餘縞素生涯寄孤鶴纏緜情緒託雙魚  
勞勞塵海茫無岸幻市都成蜃氣噓

綠尊浮蟻醉醇醪歲晚吹幽詠獻羔熟西喜逢三白兆

拜庚愧拾六經糟千金然諾延陵劍新聞袁清泉觀察之計卅載

心交范叔袍丁文誠公會贈布裘一襲至今尚衣之忽忽已三十年百尺樓依園

尺五元龍意氣不堪豪

題章价人太守銅官感舊圖

赤手能回建業春相公珍重百年身誰知寂寞湘江裏  
猶有扁舟一故人

舊壘蕭蕭不記年惟餘落照與殘煙從今怕讀龍蛇句  
縣上旌功尙有田

老去津門百感并外慚清議內神明瓣香合奏迎神曲  
彷彿寒蘆戰伐聲

江山無恙續前遊忍向西風哭故侯我展此圖三太息  
名臣名士各千秋

窗前水仙盛開作此美之

凌波冉冉出天然喜結三生水石緣不共幽蘭傷歲暮  
好隨綠萼占春先寒依冰硯朝迎旭煖入燈花夜鬪妍  
十丈紅塵飛不到知君骨相本神仙

嫋嫋精舍與亭秋影照

名園相對意相親雪後風光病後身嫋嫋疏煙簾外影  
蕭蕭短髮鏡中人寒分翠竹三竿色香透紅梅數點春  
惆悵絮庭吟事寂難從瓊島問含真

越日復與蕃室慎夫晴初小舟言伯性之藻廷諸  
君影照戲賦此詩

嫋嫋雪後豁吟眸已有飛鴻爪指留一老尙存松柏性  
七賢如共竹林遊鑪邊心事簾邊影鏡裏池塘畫裏樓  
欲向歲寒堅晚節梅花香問幾生修

祀竈日王叔魯司使見贈吳梅村王貽上朱竹垞  
宋牧仲四家詩集作此致謝

南北詩壇壘尙新四先生後孰傳薪放衙我是鈔書吏  
饋歲君非媚竈人彝鼎如陳三代器梅花先到數枝春

窗前梅 一朝開國風騷主學海無涯漫問津  
花盛開

寄答子原觀察蘇州

曾栽官柳徧閩門別後思量總斷魂遠道尺書憐我病



何時尊酒待君溫  
蟲號東野多寒語  
鷓化南圖詎寓言  
料得白蘇祠畔路  
兒童竹馬頌聲喧

一年將盡萬里未歸卻寄少石大兄廣州

頻年宦轍各西東  
爆竹聲喧歲已終  
位業又從新歷起  
容顏可與少時同  
臘梅萼寄一枝綠  
棠棣花開兩地紅  
聞說海南春事好  
潁濱翹首羨坡公

除夕對昌紋遺照有感

人天一別太匆匆  
六載相思泡影中  
努力已看今夕盡  
甯馨誰與此兒同  
雪侵蒼鬢催吾老  
曲度紅牙愛汝工  
除日有情除不得  
海山縹緲夢魂通

松壽堂詩鈔卷八